

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), a u vezi sa članom 22. stav (4) Uredbe o planiranju rada i izvještavanju o radu Vlade Federacije Bosne i Hercegovine, federalnih ministarstava i institucija („Službene novine Federacije BiH“, br. 89/14 i 107/14), Vlada Federacije Bosne i Hercegovine, na 8. sjednici, održanoj 04.06.2015. godine, d o n o s i

## ZAKLJUČAK

1. Vlada Federacije Bosne i Hercegovine usvaja Izvještaj o radu Federalnog zavoda za statistiku za 2014. godinu. ✓
2. Ovaj zaključak stupa na snagu danom donošenja.

V. broj: 654 /2015  
04.06.2015. godine  
Sarajevo



**PREMIJER**

**Fadil Novalić**

**BOSNA I HERCEGOVINA  
FEDERACIJA BOSNE I HERCEGOVINE  
FEDERALNI ZAVOD ZA STATISTIKU**

**IZVJEŠTAJ O RADU  
FEDERALNOG ZAVODA ZA STATISTIKU  
ZA 2014. GODINU**

**Mart, 2015. godine**



## SADRŽAJ:

I Uvod .....	5
II Izvršenje Plana po oblastima .....	6
1. Statistika stanovništva i društvene statistike .....	7
1.1. Statistika stanovništva i registar .....	7
1.2. Statistika tržišta rada .....	10
1.3. Statistika razvoja društva .....	12
1.4. Statistika životnih uslova .....	15
2. Ekonomske statistike .....	15
2.1. Statistika nacionalnih računa .....	15
2.2. Statistika cijena .....	17
3. Poslovne statistike .....	18
3.1. Strukturne poslovne statistike .....	18
3.2. Statistika industrije, građevinarstva i energije .....	18
3.3. Statistika usluga i vanjske trgovine .....	21
3.4. Statistika poljoprivrede, šumarstva, ribarstva i okoliša .....	24
3.5. Statistički registar i ekonomske klasifikacije .....	27
3.6. GIS i registar prostornih jedinica .....	28
III Administrativna i tehnička podrška .....	29
1. Publicistika i diseminacija .....	29
2. Pravni, kadrovski, finansijsko-računovodstveni i opći poslovi .....	30
3. Informaciono - komunikacione tehnologije i statističke metode .....	31
3.1. Informacioni sistem i tehnička podrška .....	31
3.2. Statističke metode i koordinacija .....	32
3.3. Razvoj aplikacija za unos podataka .....	33
3.4. Razvoj baza podataka, podrška diseminaciji i unos podataka .....	34
IV Kantonalne službe i uredi .....	35
V Aktivnosti koje su imale međunarodnu podršku .....	35
VI Uslovi koji su uticali na realizaciju statističkih aktivnosti .....	37
1. Organizaciona struktura .....	37
P R I L O Z I: .....	40
Prilog 1. – Pregled planiranih i izvršenih aktivnosti i istraživanja po .....	41
odsjecima u 2014. godini .....	41
Prilog 1a. - Istraživanja koja su provedena u 2014. godini a nisu bila .....	42
predviđena Planom .....	42
Prilog 2. – Spisak planiranih aktivnosti i istraživanja koja nisu provedena u .....	42
2014. godini .....	42
Prilog 3. – Spisak publikacija objavljenih u 2014. godini .....	43
Prilog 4. – Zaposleni prema polu i stepenu obrazovanja (31.12.2014.) .....	45
Prilog 5. – Budžet Federalnog zavoda za statistiku .....	46
Prilog 6. – Poslovni prostor .....	46
Prilog 7. – Spisak seminara i obuka u 2014. godini .....	47



## I Uvod

Federalni zavod za statistiku je samostalna upravna organizacija za poslove statistike u Federaciji Bosne i Hercegovine, koja na nepristrasan i stručan način proizvodi statističke podatke i iste dostavlja svim grupama korisnika, od Vlade i drugih organa i institucija do najšire javnosti.

Federalni zavod za statistiku (u daljem tekstu: Zavod) u skladu sa načelom neutralnosti, objektivnosti i stručne neovisnosti, samostalno i profesionalno odlučuje o metodama i načinu prikupljanja, obrade, čuvanja i prezentiranja statističkih podataka.

Zavod je uspješno proveo statistička istraživanja i aktivnosti za 2014. godinu definisane Programom provođenja statističkih istraživanja od interesa za Federaciju Bosne i Hercegovine za period 2013 - 2016 i Planom provođenja statističkih istraživanja od interesa za Federaciju BiH za 2014. godinu (u daljem tekstu: Plan) usvojenim Odlukom Vlade Federacije Bosne i Hercegovine V.broj: 210/2014 od 05.02.2014. godine („Službene novine Federacije Bosne i Hercegovine”, broj 13/14 od 09.02.2014. godine).

Prioritetni zadaci Zavoda bili su:

- Implementacija Zakona o statistici u Federaciji Bosne i Hercegovine, Sporazuma o primjeni jedinstvenih metodologija i jedinstvenih standarda pri izradi statističkih podataka BiH i Fundamentalnih principa zvanične statistike UN i EU
- Kontinuirana implementacija Kodeksa/Pravila rada evropske statistike
- Jačanje institucionalne uloge i položaja Zavoda u institucijama i izvršnoj vlasti FBiH
- Kontinuiran rad na harmonizaciji postojećih i donošenju novih metodologija, klasifikacija i standarda
- Učešće u implementaciji međunarodnih projekata pomoći razvoja statističkog sistema u Bosni i Hercegovini u skladu sa EU standardima i regulativama, koji će pomoći razvoju statistike na nivou BiH i na nivou entiteta
- Unapređenje saradnje sa davaocima i korisnicima podataka i jačanje povjerenja u statistiku Federacije BiH
- Unapređenje povjerljivosti i zaštite statističkih podataka
- Aktivnosti na unosu, kontroli i obradi podataka prikupljenih Popisom stanovništva, domaćinstava i stanova u Bosni i Hercegovini 2013. godine

U ovom izvještaju su prikazane realizovane i nerealizovane aktivnosti po oblastima, kao i aktivnosti vezane za administrativnu i tehničku pomoć, te problemi koji su se javili tokom realizacije aktivnosti i preduzete mjere za rješavanje tih problema.

## II Izvršenje Plana po oblastima

Za 2014. godinu u Zavodu je planirano ukupno 198 statističkih istraživanja i aktivnosti (50 aktivnosti i 148 statističkih istraživanja), a uspješno je završeno 191 ili 96,5 % (45 ili 90% planiranih aktivnosti i 146 ili 98,7% statističkih istraživanja) - (Prilog 1).

Osim aktivnosti i istraživanja koja su bila predviđena Planom za 2014. godinu, Zavod je realizovao i 4 nova istraživanja, tri iz oblasti kratkoročnih energetske statistike i jedno pilot istraživanje iz oblasti finansijske statistike obrazovanja (Prilog 1a).

Zbog potrebe razvoja energetske statistike, a u cilju usaglašavanja sa EU regulativama, provedena su istraživanja iz oblasti kratkoročnih energetske statistike u 2014. godini. Na inicijativu Eurostata i uz podršku Švedske statistike, u toku 2014. godine je provedeno pilot istraživanje iz oblasti finansijske statistike obrazovanja, u cilju provjere metodologije i upitnika, i pripreme za provođenje redovnog istraživanja u 2015. godini.

Nije realizovano ukupno sedam planiranih aktivnosti i istraživanja (Prilog 2):

Dvije statističke aktivnosti u okviru Godišnjeg istraživanja o upotrebi informacijskih i komunikacijskih tehnologija u preduzećima i domaćinstvima nisu provedene iz razloga što Agencija za statistiku BiH nije obezbijedila konačnu verziju metodologije, uzorak, konačni izgled upitnika i aplikaciju, koji su neophodni da bi se istraživanja mogla provesti.

Izrada adresara u okviru istraživanja Popisa poljoprivrede nije realizovana jer u toku 2014. godine nisu objavljeni zvanični rezultati Popisa stanovništva, domaćinstava i stanova 2013, koji predstavljaju osnov za izradu adresara. Pripreme za navedeno istraživanje su pomjerene za 2015. godinu.

Godišnje istraživanje o rashodima i prihodima u zaštiti okoliša – probno nije provedeno jer Agencija za statistiku BiH nije na vrijeme pripremila potreban instrumentarij za provođenje ovog istraživanja. Planirano je da se ovo istraživanje provede u 2015. godini.

Aktivnosti na nastavku rada na izradi Nomenklature statističkih teritorijalnih jedinica u BiH (NUTS1, NUTS2 i NUTS3) su se trebale realizovati kroz učešće predstavnika Zavoda u radu interresorne radne grupe, koja je ranije formirana. U toku 2014. godine nisu vođene nikakve aktivnosti po ovom pitanju iz razloga što su konačni rezultati Popisa stanovništva, domaćinstava i stanova u Bosni i Hercegovini 2013. godine preduslov za nastavak rada na NUTS - u 3.

Dvije aktivnosti koje se odnose na stručno-metodološki rad na uvođenju novih statističkih istraživanja o potrošnji energije u domaćinstvima i o obnovljivim izvorima energije, nisu realizovane iz razloga što Agencija za statistiku BiH i drugi vanjski učesnici u projektu nisu pripremili metodologiju i obezbijedili instrumentarij za provođenje aktivnosti. Planirano je da se ova istraživanja provedu u 2015. godini.

Realizacija statističkih aktivnosti predstavlja složen proces u kojem su najvažnije faze:

- izrada metodologija harmoniziranih sa EU standardima i regulativama
- izrada i ažuriranje pomoćnog instrumentarija za provođenje statističkog istraživanja (nomenklature, klasifikacije, kodeksi)
- uspostavljanje organizacionih osnova za provođenje statističkih istraživanja
- izrada, štampanje i distribucija obrazaca i metodoloških i organizacionih uputstava
- obuka kadrova na terenu
- izrada i održavanje aplikacija za unos i obradu podataka
- određivanje jedinica posmatranja (uzorkovanje, potpun obuhvat, cut off)
- prikupljanje podataka od izvještajnih jedinica i održavanje kontakta s njima
- kontrola podataka (konsistenstnost, logičnost, outlier-i)
- priprema za obradu i obrada podataka (ponderisanje, kalibracija, procjene ili sumiranje)
- analiziranje podataka i tabeliranje
- priprema publikacija (saopćenja, bilteni, statistički godišnjak)
- objava rezultata

U daljnjem tekstu nalazi se prikaz izvršenih statističkih aktivnosti po sektorima i odsjecima.

## **1. Statistika stanovništva i društvene statistike**

### **1.1. Statistika stanovništva i registar**

Odsjek za statistiku stanovništva i registar realizovao je sva istraživanja i aktivnosti definisana Planom. Provedeno je devet istraživanja i prikupljeno ukupno 56.889 izvještaja, izvršena kontrola, unos i obrada podataka. U toku 2014. godine provedena su sljedeća istraživanja:

Statistika rođenih (DEM-1) - izvještajne jedinice su matični i mjesni uredi u općini, broj izvještajnih jedinica 235, broj jedinica posmatranja (izvještaja) 19.670 prema preliminarnim rezultatima. Kao rezultat su se dobili pokazatelji o broju živorođenih i mrtvorodenih, prirodnom priraštaju, vitalnom indeksu i sl.

Statistika umrlih osoba (DEM-2) - izvještajne jedinice su matični i mjesni uredi u općini, broj izvještajnih jedinica je 235, prema preliminarnim rezultatima broj jedinica posmatranja (izvještaja) je 20.063. Kao rezultat su se dobili pokazatelji o broju i strukturi umrlih osoba, prirodni priraštaj, stopa prirodnog priraštaja, opća stopa smrtnosti, podaci o uzroku smrti, uzroku nasilnih smrti, smrtnost dojenčadi, stopa smrtnosti dojenčadi, prosječna starost umrlih.

Statistika sklopljenih brakova (DEM-3) - izvještajne jedinice su matični i mjesni uredi u općini, broj izvještajnih jedinica je 235, broj jedinica posmatranja (izvještaja) je 12.955 prema preliminarnim rezultatima. Kao rezultat su se dobili pokazatelji o broju sklopljenih brakova prema obilježjima mladoženje i nevjeste, stopa sklopljenih brakova, prosječna starost pri sklapanju braka, i sl.

Statistika razvedenih brakova (RB-1) - izvještajne jedinice su općinski sudovi, broj izvještajnih jedinica je 32, broj jedinica posmatranja (izvještaja) je



985 (preliminarni rezultati). Kao rezultat su se dobili pokazatelji o broju razvedenih brakova prema obilježjima muža i žene, stopa razvedenih brakova, prosječna starost pri razvodu braka muža i žene.

Mjesečni pregled upisa u matične knjige (DEM-4) - izvještajne jedinice za ovu aktivnost su matični i mjesni uredi u općini, broj izvještajnih jedinica je 235, broj jedinica posmatranja (izvještaja) je 2.820. Ovi podaci služe za kontrolu obuhvata registrovanih rođenja, smrti i sklopljenih brakova.

Mjesečni pregled vitalnih događaja (DEM-5) - izvještaje izrađuju kantonalne službe/uredi za statistiku, a broj jedinica posmatranja (izvještaja) je 396 godišnje (zbirno DEM1, DEM2 i DEM3). U svrhu zaštite baza podataka vitalne statistike u kantonalnim službama/uredima za statistiku izvršena je priprema i testiranje uputstava za unos i kontrolu podataka koji će se primjenjivati od 2015. godine.

Statističko istraživanje Procjene broja stanovnika obuhvata izradu procijenjenog broja stanovnika prisutnih na teritoriji Federacije BiH po starosti i spolu. Elementi koji se uzimaju u obzir prilikom izrade procjena su svi raspoloživi izvori podataka o stanovništvu: podaci vitalne statistike, evidencije prebivališta/boravišta, broj registrovanih glasača prema posljednjim izborima i drugi podaci.

Izvještajna jedinica za statistiku Preseljenja stanovništva (unutrašnje migracije) je Agencija za identifikacione dokumente, evidenciju i razmjenu podataka BiH, a rezultat ovog istraživanja su podaci o broju migranata u okviru FBiH prema području doseljenja/odseljenja, saldo migracije po kantonima i općinama, starosna i polna struktura migranata po kantonima i općinama.

Donošenje Zakona o izmjenama i dopunama Zakona o matičnim knjigama („Službene novine FBiH“ broj 80/14), zahtijevalo je prilagođavanje u načinu prikupljanja podataka o rođenim i umrlim osobama, kao i prilagođavanja aplikacija za unos i obradu ovih podataka u 2014. godini, kao i izradu uputstva.

U okviru Odsjeka je urađen i veliki broj zahtjeva koji se odnose na Popis stanovništva, domaćinstava, stanova i poljoprivrednih gazdinstava u BiH 1991. godine.

### **Aktivnosti na unosu, kontroli i obradi podataka prikupljenih Popisom stanovništva, domaćinstava i stanova u BiH 2013. godine**

Uposlenici Zavoda su zajedno sa osobljem ostale dvije statističke institucije u Bosni i Hercegovini u 2014. godini bili angažovani na poslovima unosa, kontrole i obrade podataka prikupljenih Popisom stanovništva, domaćinstava i stanova u BiH 2013. godine (u daljem tekstu: Popis).

Nakon obavljenih pripremnih radova u Centru za unos, kontrolu i obradu podataka (u daljem tekstu: Centar) u Istočnom Sarajevu, u januaru 2014. godine održane su obuke za statističko osoblje i za operatere i kontrolore, vanjske saradnike, angažovane na ručnoj pripremi popisnog materijala i na optičkom prepoznavanju podataka sa skeniranih popisnih obrazaca, tj. na OCR-u (Optical Character Recognition). Neposredno nakon početka ručne pripreme proces skeniranja i OCR očitavanja počeo je krajem januara 2014. godine.

Na poslovima obrade podataka bilo je angažovano oko 280 vanjskih saradnika. Poslovi skeniranja odvijali su se uz obavezno prisustvo IT osoblja iz statističkih institucija.

Rad u Centru podrazumijevao je i izradu potrebnih dokumenata koji čine pravila rada u Centru, kao što su: Protokol o zaštiti popisnih podataka, Politika za administratore u Centru za obradu podataka, Uputstvo o funkcionisanju sistema dojava, alarmnog sistema skladišta sa popisnim materijalom, kao i potpisivanje izjava o povjerljivosti podataka od strane angažovanog osoblja.

U toku obavljanja redovnih aktivnosti u Centru dolazilo je do kratkotrajnih prekida u radu zbog tehničkih problema, što je rezultiralo produženjem roka za završetak ovih aktivnosti. Krajem oktobra podaci sa popisnih obrazaca svih popisnih krugova upisani su u bazu.

U aprilu 2014. godine pripremljeni su šifarnici i tezaursi za šifriranje pojedinih obilježja: zanimanja, djelatnosti i geografskih obilježja (država, općina i naseljenih mjesta). Šifriranje navedenih obilježja odrađeno je dijelom u Centru, a dijelom u statističkim institucijama na osnovu izdvojenih pojmova iz baza podataka. Šifriranje obilježja za pitanja o etničkom i vjerskom izjašnjanju i o maternjem jeziku obavljeno je u novembru angažovanjem osoblja iz tri statističke institucije.

Unos P1/IN obrazaca koji se odnose na državljane BiH koji žive u inostranstvu, a imaju prebivalište u BiH i odsutni su duže od 12 mjeseci, počeo je početkom decembra 2014. godine, a završen je sredinom decembra 2014. godine.

Prema preporuci IMO tima (Operacije međunarodnog monitoringa), a u svrhu pripreme za editovanje popisnih podataka, u 2014. godini počeo je rad na pripremi koraka i primjeni pravila za editovanje popisnih podataka, prvo na uzorku od četiri općine, a potom na cijelom popisnom materijalu.

U okviru ove aktivnosti urađena su pravila za redoslijed koraka čišćenja sirove baze podataka koja uključuje provjeru autentičnosti bar-code-ova, provjeru opsega dozvoljenih vrijednosti za pojedine varijable, provjeru usklađenosti šifara i check-boxova sa šifriranim geografskim obilježjima, uparivanje P2 i pripadajućih P1 obrazaca, identifikovanje i rješavanje duplih P2 zapisa po identifikaciji, identifikovanje potencijano duplih P1 zapisa (kroz aplikaciju) kao i označavanje istih, a potom brisanje duplih zapisa prema dogovorenim pravilima.

U okviru Pilot projekta Pomoć za definisanje i implementaciju strategije čišćenja podataka za Popis stanovništva, domaćinstava i stanova u BiH 2013. godine (projekat IPA 2012) održane su tri misije stranih eksperata. Tokom misija metodolozi statističkih institucija su, zajedno sa stranim ekspertima, izradili osnovni set pravila za obradu podataka Popisa.

U 2014. godini izrađen je prvi prijedlog tabela po knjigama iz oblasti statistike stanovništva, ekonomskih karakteristika stanovništva i uslova stanovanja (stanovi).

Tokom 2014. godine održano je šest IMO misija: u februaru, maju, junu, julu, septembru i novembru mjesecu. Nakon obavljenih misija statističke

institucije su kroz izvještaje IMO tima dobivale ocjene o obavljenim popisnim aktivnostima, kao i preporuke za dalji rad u cilju blagovremene objave i diseminacije rezultata Popisa.

Popisni biro Zavoda, formiran na osnovu člana 23. Zakona o popisu stanovništva, domaćinstava i stanova u Bosni i Hercegovini 2013 ("Službeni glasnik BiH", broj 10/12 i 18/13), je u toku 2014. godine održao četiri zvanična sastanka, te više radnih sastanaka na kojima su razmatrani i rješavani svi uočeni problemi u realizaciji predviđenih aktivnosti na obradi podataka Popisa.

U toku 2014. godine je usvojen Izvještaj o provedenom terenskom radu Popisa, koji je pripremio Popisni biro na osnovu pojedinačnih izvještaja svih radnih grupa koje su učestvovala u realizaciji aktivnosti Popisa.

Popisni biro je takođe koordinirao radom svih radnih grupa i predstavnika Zavoda u Centru za obradu podataka, koje su obavezno dostavljale periodične izvještaje (12 izvještaja) o svim aktivnostima na obradi podataka Popisa.

Zavod je, u skladu sa Uredbom o načinu osnivanja i utvrđivanju visine naknade za rad radnih tijela osnovanih od strane Vlade FBiH i rukovodilaca federalnih organa državne službe („Službene novine Federacije BiH“ br. 48/14, 77/14 i 97/14), izmijenio sastav i broj članova Popisnog biroa i to na način da je broj članova Popisnog biroa smanjen na pet članova, čime je osigurana potpuna usklađenost sastava ovog tijela sa odredbama navedene Uredbe.

U toku 2014. godine izvršen je unos podataka prikupljenih Potpopisnom anketom (PPA), te uparivanje odgovarajućih jedinica posmatranja (osoba, domaćinstava i stambenih jedinica) Popisa i PPA i priprema metodoloških dokumenata o računanju indikatora kvaliteta obuhvata i kvaliteta sadržaja

## **1.2. Statistika tržišta rada**

U oblasti statistike tržišta rada realizovana su sljedeća statistička istraživanja:

Mjesečno statističko istraživanje o zaposlenim i plaćama (Rad-1) - izvještajne jedinice su pravna lica koja posluju na teritoriji FBiH, i koja zapošljavaju 10 i više zaposlenih, sa pripadajućim jedinicama u sastavu. Mjesečni obuhvat Rad-1 istraživanja je 8.915 poslovnih subjekata sa pripadajućim jedinicama u sastavu. Prosječna mjesečna stopa neodziva je 9,2%. Rezultat aktivnosti su podaci o broju zaposlenih, prosječnim mjesečnim isplaćenim neto i bruto plaćama, podaci o ostalim primanjima zaposlenih i plaćenim satima rada. Podaci se publikuju za nivo FBiH, kantona i općina.

Godišnje statističko istraživanje o zaposlenim i plaćama (Rad-1G) - izvještajne jedinice su pravna lica koja posluju na teritoriji FBiH, i koja zapošljavaju 10 i više zaposlenih, sa pripadajućim jedinicama u sastavu. Obuhvat Rad-1G istraživanja je 8.915 poslovnih subjekata sa pripadajućim jedinicama u sastavu. Stopa neodziva je 9,6%. Rezultat aktivnosti su podaci o broju zaposlenih, prema strukturama (kvalifikaciona, starosna, prema intervalima plaća, vrsti radnog odnosa i dužini radnog vremena), kao i podaci o prosječnim isplaćenim plaćama po polu i prema kvalifikacijama. Podaci se publikuju za nivo FBiH, kantona i općina.

Tromjesečno istraživanje o fizičkim osobama - vlasnicima koji samostalno obavljaju djelatnost-profesiju i o osobama koje su kod njih zaposlene (Rad-15) – podaci se preuzimaju iz evidencija Porezne uprave FBiH. Kvartalni obuhvat je

27.623 obrtnika. Rezultat istraživanja su podaci o ukupnom broju obrtnika - vlasnika i broju zaposlenih u obrtu i slobodnim profesijama.

Podaci koji su preuzimani od ostalih proizvođača zvanične statistike: Federalnog zavoda za zapošljavanje - o broju i strukturi nezaposlenih osoba na području FBiH i Federalnog zavoda PIO/MIO - o prosječnim isplaćenim penzijama i broju penzionera na području FBiH.

Anketa radne snage 2014 - jedinice posmatranja su domaćinstva koja se biraju putem uzorka. Veličina uzorka u 2014. godini bila je 5.964 domaćinstva na teritoriji FBiH. Stopa neodziva je 16,9%. Metodološke postavke ankete su zasnovane na preporukama i definicijama Medunarodne organizacije rada (International Labour Organization - ILO) i zahtjevima Statističke kancelarije EU (European Statistical Office - EUROSTAT), čime je obezbijeđena međunarodna uporedivost podataka u oblasti statistike rada. Putem ove ankete prikupljaju se podaci o osnovnim karakteristikama radno sposobnog stanovništva, na osnovu kojih se vrši procjena ukupne radne snage u zemlji, kao i podaci o demografskim, obrazovnim, socio-ekonomskim i drugim karakteristikama stanovništva. Ovim istraživanjem se obezbjeđuju podaci za izračunavanje stope zaposlenosti, nezaposlenosti, aktivnosti i drugih pokazatelja na tržištu rada. Podaci se publikuju za nivo Federacije BiH, a ne po kantonima i općinama.

U decembru 2014. godine objavljeni su konačni rezultati za Anketu o radnoj snazi 2014. na web stranici Zavoda.

Anketa o troškovima rada 2012 - izvještajne jedinice su pravna lica izabrana uzorkom, iz svih djelatnosti KD BiH 2010, osim poljoprivrede, šumarstva i ribolova; javne uprave i odbrane i obaveznog socijalnog osiguranja. Uzorkom je obuhvaćeno 2.150 pravnih lica. Stopa neodziva je 19,4%. Istraživanje se provodi u četvorogodišnjoj dinamici, i provedeno je u periodu septembar-oktobar 2013. godine, za 2012. godinu. U 2014. godini urađeni su prvi i konačni rezultati, kao i tabela izvještaja o kvalitetu koje za ovo istraživanje zahtijeva Eurostat. Anketa je pripremljena u skladu sa regulativama Eurostata, i obezbjeđuje podatke o veličini i strukturi ukupnih troškova koje poslodavac plaća za zaposlenika. Troškovi rada se izračunavaju prema izvršenom satu rada i zaposlenoj osobi. Podaci se publikuju samo za nivo FBiH, a ne po kantonima i općinama.

Podaci o zaposlenosti, nezaposlenosti i prosječnim mjesečnim isplaćenim neto i bruto plaćama publikuju se na web stranici Zavoda u vidu saopćenja, u biltenu „Mjesečni statistički pregled Federacije BiH”, u mjesečnim pregledima po kantonima, statističkom godišnjaku i godišnjim publikacijama „Zaposlenost, nezaposlenost i plaće”. Svi rokovi za prikupljanje, obradu, publikovanje i dostavljanje podataka su ispoštovani.

U decembru 2014. godine objavljena su tri Izvještaja o kvalitetu za istraživanja iz oblasti statistike tržišta rada:

- Izvještaj o kvalitetu za Anketu radne snage 2014,
- Izvještaj o kvalitetu za Anketu o troškovima rada 2012 i
- Izvještaj o kvalitetu za mjesečno istraživanje o zaposlenima i plaći Rad-1 za 2013. godinu.

### 1.3. Statistika razvoja društva

#### Statistika obrazovanja

Sva istraživanja iz oblasti statistike obrazovanja su izvršena u skladu s Planom i svi prikupljeni podaci su obrađeni i publikovani u predviđenim rokovima.

Predškolsko obrazovanje - prikupljeni su podaci o broju i vrsti predškolskih ustanova, broju djece i broju zaposlenih, godišnjim izvještajem sa stanjem 01. oktobra. Broj izvještajnih jedinica je 171 obdaništa i jaslica, a istraživanjem se prikupljaju podaci o broju ustanova razvrstanih na javne i privatne, broju djece prema spolu, godini rođenja, zaposlenosti roditelja kao i o zaposlenim u tim ustanovama.

Osnovno i srednje obrazovanje – izvještajna jedinica za osnovno obrazovanje je svaka redovna osnovna škola koja radi, osnovna škola sa posebnim potrebama kao i umjetničke škole. Broj izvještajnih jedinica na kraju školske godine je bio 1.152, a na početku školske godine je 1.151. Izvještajne jedinice za istraživanje srednjih škola su redovne srednje škole (samostalne i mješovite), vjerske škole i škole sa posebnim potrebama. Broj izvještajnih jedinica je 213. Istraživanjima za osnovno i srednje obrazovanje su prikupljeni podaci o broju škola, broju odjeljenja, ukupnom broju učenika, broju učenika koji su završili školu i razred i broju nastavnog osoblja.

Finansijska statistika obrazovanja – u 2014. godini je provedeno pilot istraživanje. Putem ovog pilot istraživanja testirani su obrasci i prikupljeni su podaci o prihodima i rashodima javnih obrazovnih ustanova koje se finansiraju iz budžeta resornih kantonalnih ministarstava obrazovanja u FBiH putem obrasca FSO-J (11 izvještajnih jedinica), i o prihodima i rashodima privatnih obrazovnih ustanova koje se ne finansiraju iz budžeta putem obrasca FSO-P (119 izvještajnih jedinica).

Statistika visokog obrazovanja – izvještajne jedinice su visokoškolske ustanove koje čine univerziteti i visoke škole. Organizacione jedinice univerziteta su: fakulteti, akademije, visoke škole i naučni instituti. Podaci su prikupljeni od 108 izvještajnih jedinica, i to o broju upisanih i diplomiranih studenata, magistara, doktora i nastavnog osoblja.

Naučnoistraživački rad - izvještajne jedinice su subjekti koji se bave naučnoistraživačkim radom iz poslovnog sektora (obrazac IR-1, 461 izvještajnih jedinica), iz sektora visokog obrazovanja (obrazac IR-2, 71 izvještajna jedinica) i subjekti iz državnog sektora (IR-3, 89 izvještajnih jedinica). Ovim istraživanjem su prikupljeni podaci o broju osoba koje se bave naučnoistraživačkim radom, broju istraživačko-razvojnih radova i utrošenim sredstvima.

#### Statistika kulture

Sva istraživanja koje se odnose na statistiku kulture su izvršena u skladu s Planom i svi prikupljeni podaci su obrađeni i publikovani.

U oblasti kulture, u toku 2014. godine prikupljeni su sljedeći podaci:

- za radio i televiziju prikupljeni su podaci o broju stanica, vrsti i porijeklu programa i zaposlenim (29 TV stanica i 86 radio stanica);
- za pozorišta su prikupljeni podaci o vrsti, broju predstava, vrsti izvedenih djela i zaposlenim (20 izvještajnih jedinica);
- za kina su prikupljeni podaci o predstavama, posjetiteljima i zaposlenim (12 izvještajnih jedinica);

- za proizvodnju uvoz/izvoz i promet filmova prikupljeni su podaci o broju subjekata, broju zaposlenih, proizvodnji filmova, uvoz i izvoz filmova, promet (distribucija) filmova (7 izvještajnih jedinica);
- za kinoteku prikupljeni su podaci o broju kinoteka, domaćim i stranim filmovima koji su nastali od 1996. do 2013. godine, broju i vrsti prikazanih kratkometražnih i dugometražnih filmovima, posjetiocima, korisnicima i zaposlenima (1 izvještajna jedinica);
- za galerije su prikupljeni podaci o vrsti izložbe, izlagačima, posjetiteljima i zaposlenim (22 izvještajne jedinice);
- za muzej i muzejsku zbirku prikupljeni su podaci o broju muzeja opće namjene i specijaliziranih muzeja, vrsti muzejske građe i zaposlenim u muzejima opće namjene i specijaliziranim muzejima (muzeji opće namjene 10 i specijalizirani muzeji 8 izvještajnih jedinica);
- za biblioteke prikupljeni su podaci o broju biblioteka prema vrsti, čitaonicama, zaposlenima, korisnicima, članovima i korištenju građe u bibliotekama/knjižnicama, obrađenoj knjižnoj građi, neobrađenoj knjižnoj građi, prinovama i rashodovanju knjižne i neknjižne građe (634 izvještajne jedinice);
- za arhive prikupljeni su podaci o broju arhiva, arhivskom fondu i zbirkama, posjetiocima, korisnicima i zaposlenima (9 izvještajnih jedinica);
- za orkestre, ansamble i horove, prikupljeni su podaci o njihovom broju, koncertima i posjetiteljima u zemlji, u inozemstvu i na priredbama, izvedenim djelima domaćih i stranih autora (13 orkestara, 13 ansambala, 16 horova);
- za festivale prikupljeni su podaci o broju festivala, karakteru festivala, ukupnom broju sudionika, broju posjetitelja, broju organizacijskih tijela, broj članova u tijelima (48 izvještajnih jedinica);
- za centre za kulturu prikupljeni su podaci o broju centara, o aktivnosti centara, posjetiocima i zaposlenim (62 izvještajne jedinice);
- za kulturno – umjetnička društva prikupljeni su podaci o broju kulturno – umjetničkih društava, umjetničkim priredbama i izložbama, učešću na festivalima – smotrama, članovima i plaćenom osoblju (134 izvještajne jedinice);
- za udruženja građana iz oblasti kulture prikupljeni su podaci o broju udruženja, kulturnim domenima, prostorijama, članovima i plaćenom osoblju (133 izvještajne jedinice);
- za zavode za zaštitu kulturnog i prirodnog naslijeđa prikupljeni su podaci o broju zavoda, broju kulturnih dobara, nepokretnim i pokretnim kulturnim dobrima, prirodnim dobrima separatima zaštite naslijeđa u oblasti prostornog i urbanističkog planiranja (8 izvještajnih jedinica).

## **Zdravstvo i zaštita**

U skladu sa Planom, u okviru redovnog istraživanja Statistike javnog zdravstva, u 2014. godini preuzeti su podaci u obliku tabela od Zavoda za javno zdravstvo i publikovani u Statističkom godišnjaku za 2013. godinu.

U okviru implementacije sistema zdravstvenih računa (NHA) u 2014. godini, Zavod je u saradnji sa Federalnim zavodom za zdravstveno osiguranje i reosiguranje učestvovao u izradi izvještaja za Svjetsku zdravstvenu organizaciju (World Health Organization - WHO) i Eurostat za 2013. godinu, a prema Smjernicama za razvoj NHA u BiH (usvojene 2013. godine).

## **Statistika socijalne zaštite**

U oblasti statistike Socijalne zaštite izvještajne jedinice su centri za socijalni rad, domovi za djecu i omladinu, ustanove za djecu i omladinu koje imaju smetnje u psiho-fizičkom razvoju, ustanove za maloljetnike društveno neprihvatljivog ponašanja, ustanove za odrasle invalidne osobe i ustanove za odrasle starije osobe (127 izvještajnih jedinica). Istraživanjem su prikupljeni podaci o broju centara i domova, broju korisnika, vrsti usluga i oblicima razvrstano po starosti i kategorijama korisnika. Svi prikupljeni podaci su obrađeni i publikovani u godišnjem biltenu „Socijalna zaštita – skrb u Federaciji BiH”.

Tokom 2014. godine, radilo se na daljem razvoju ESSPROS - a (Evropski sistem integrisane statistike socijalne zaštite). Rađeno je na analizi i validaciji podataka za 2011. godinu prikupljenih pilot istraživanjem, koje je provedeno tokom 2012/2013. godine.

## **Statistika pravosuđa**

Sva istraživanja iz oblasti statistike pravosuđa su izvršena u skladu s Planom i svi prikupljeni podaci su obrađeni i publikovani u predviđenim rokovima. Statistikom pravosuđa prikupljeni su podaci o prijavljenim, optuženim i osuđenim počiniteljima krivičnih dijela, a od 2012. godine su obuhvaćene i žrtve krivičnih dijela. Statistički upitnici iz oblasti pravosuđa su: za punoljetnu osobu (SK-1, SK-2); za maloljetnu osobu (SK-3, SK-4) i privredni sporovi (SPS-11). Izvještajne jedinice su: 10 kantonalnih tužilaštava za istraživanja SK-1 i SK-3, općinski i kantonalni sudovi (10 kantonalnih i 31 općinskih sudova) za istraživanja SK-2 i SK-4 i 31 općinski sud za istraživanje SPS-11.

## **Gender statistika**

Predstavnici Zavoda su učestvovali kao članovi radne grupe u izradi Strategije za prevenciju i borbu protiv nasilja u porodici (2013-2017). U 2014. godini je publikovan bilten Žene u muškarci u FBiH, u kojem su iskazani indikatori iz oblasti rodne jednakosti i preuzeti podaci od relevantnih institucija u ovoj oblasti (Zavod za javno zdravstvo FBiH, Federalni zavod za PIO/MIO FBiH, Gender centar FBiH, Centralna izborna komisija BiH), a korišteni su podaci i iz drugih statističkih istraživanja koje provodi Zavod (oblasti stanovništvo, zdravstvo, obrazovanje, zaposlenost i nezaposlenost, socijalna zaštita, pravosuđe, izbori, Anketa o potrošnji domaćinstava i Anketa o radnoj snazi).

## 1.4. Statistika životnih uslova

### Anketa o potrošnji domaćinstava

Zavod je u saradnji sa ostalim statističkim institucijama u Bosni i Hercegovini u toku 2014. godine proveo aktivnosti na pripremi provođenja Ankete o potrošnji domaćinstava (APD 2015). Zajedničke aktivnosti odnosile su se na pripremu jedinstvenog instrumentarija, koji podrazumijeva izbor uzorka, izradu metodološkog materijala i uputstva za anketare, reviziju upitnika kao i pripremu adekvatne IT podrške za unos i obradu prikupljenih podataka.

U odnosu na prethodnu Anketu o potrošnji domaćinstava, ranija dva modula „Socijalno uključivanje, migracije i doznake“ i „Zdravstveno stanje i usluge“, spojeni su u jedan modul „Zdravstvo i socijalna uključenost“. Na upitnicima Dnevnik nabavki i Dnevnik o potrošnji iz vlastite proizvodnje prilagođene su šifre novoj Klasifikaciji lične potrošnje prema namjeni (Classification of Individual Consumption by Purpose - COICOP 5).

Izvršen je izbor anketara i supervizora, obuka angažovanog osoblja, te štampa upitnika i prateće dokumentacije.

## 2. Ekonomske statistike

### 2.1. Statistika nacionalnih računa

Odsjek za statistiku nacionalnih računa realizovao je sve aktivnosti definisane Planom. Provedeno je sedam istraživanja i prikupljeno ukupno 48.289 izvještaja, izvršena kontrola, unos i obrada podataka. U toku 2014. godine provedena su sljedeća istraživanja:

- Statistički aneks godišnjeg računovodstvenog izvještaja (StatAneks) kojim su prikupljeni podaci (prihodi, rashodi, zalihe) od pravnih osoba koje knjigovodstvo vode po kontnom planu za preduzeća; podaci su prikupljeni za 20.186 preduzeća;
- Godišnji obračun bruto vrijednosti proizvodnje i dodane vrijednosti poljoprivrede privatnog sektora bez pravnih osoba-poljoprivredna gazdinstva (DV-POLJ), kojim su od općina prikupljeni podaci o poljoprivrednoj proizvodnji domaćinstava na teritoriji općine; od ukupno 79 općina podaci su prikupljeni za 78, dok su obračunom dodane vrijednosti u Odsjeku za statistiku nacionalnih računa obuhvaćene sve općine na teritoriji FBiH; Godišnji obračun bruto vrijednosti proizvodnje i dodane vrijednosti fizičkih osoba koje samostalno obavljaju djelatnost (DV-DZ), kojim su prikupljeni agregirani podaci od Ispostava porezne uprave u općinama za obrtnike na nivou oblasti (KD BiH 2010); podaci su prikupljeni za 79 općina;
- Godišnji izvještaj za obračun dodane vrijednosti za budžetske korisnike i vanbudžetske fondove - Godišnji računovodstveni iskazi (Račun prihoda i rashoda, Bilans stanja, Iskaz o kapitalnim izdacima i



finasiranju, Posebni podaci o plaćama i broju zaposlenih); podaci su prikupljeni za 1.424 budžetska korisnika;

- Godišnji izvještaj za obračun dodane vrijednosti za udruženja i druge neprofitne organizacije - Godišnji računovodstveni iskazi (Bilans uspjeha i Posebni podaci o plaćama i broju zaposlenih); podaci su prikupljeni za 55 udruga i 2 neprofitna fonda;
- Godišnji izvještaj banaka i drugih finansijskih organizacija (DV-B) kojim su prikupljeni podaci za 19 banaka;
- Godišnji izvještaj osiguravajućih i reosiguravajućih društava (DV-OS) kojim su prikupljeni podaci za 13 osiguravajućih i reosiguravajućih društava;
- Godišnji izvještaj o investicijama (INV-01), kojim su prikupljeni podaci o isplatama za investicije u stalna sredstva, ukupno ostvarenim investicijama i ostvarenim investicijama u nova stalna sredstva za sve vrste pravnih subjekata; izvještaji su prikupljeni za 26.432 pravnih subjekata, od kojih je 11.145 pravnih subjekata imalo investicije.

Na osnovu prikupljenih podataka izvršen je obračun Bruto domaćeg proizvoda (BDP) po proizvodnom pristupu u tekućim i stalnim cijenama, BDP-a po dohodovnom pristupu u tekućim cijenama i investicija u stalna sredstva za FBiH za 2013. godinu, prema KD BiH 2010.

Prikupljeni podaci su, prema zahtjevu, dostavljeni Agenciji za statistiku BiH i korišteni kao inputi za obračun BDP-a prema rashodnom pristupu za nivo Bosne i Hercegovine, obzirom da je obračun rashodnog BDP-a je u nadležnosti Agencije za statistiku BiH.

Pored obračuna makroekonomskih agregata za 2013. godinu, kao redovnih tekućih aktivnosti, izvršen je preračun serije podataka o BDP-u za period 2005-2007. godina, u skladu sa KD BiH 2010. Krajem 2014. godine publikovana je serija podataka 2005-2013. godina prema KD BiH 2010.

U toku 2014. godine Zavod je počeo sa redovnim publikovanjem kvartalnog bruto domaćeg proizvoda po proizvodnom pristupu. Publikovani su podaci za IV kvartal 2013. godine, te I, II i III kvartal 2014. godine u tekućim cijenama, cijenama prethodne godine i lančano povezanim vrijednostima u cijenama 2010. godine. Podaci su publikovani putem Saopćenja.

U okviru regionalnog projekta „Izgradnja kapaciteta za održivu kompilaciju statističkih podataka realnog sektora u Istočnoj Evropi”, koji se realizovao u saradnji sa Međunarodnim monetarnim fondom, u prvoj polovini godine započete su aktivnosti na reviziji procjena za neobuhvaćene ekonomske aktivnosti, kao i ažuriranju koeficijenata za obračun međufazne potrošnje i amortizacije za poduzetnike.

Podaci statistike nacionalnih računa (BDP po proizvodnom i dohodovnom pristupu, kvartalni BDP, investicije u stalna sredstva) su publikovani u vidu deset Saopćenja i dva Godišnja tematska biltena, u skladu sa rokovima utvrđenim Planom publikovanja. Takođe, u Mjesečnim statističkim pregledima FBiH publikovani su prvi rezultati godišnjih obračuna BDP-a i investicija u stalna sredstva. Pripremljeni su podaci za Godišnjak 2014 – dio za BDP i dio za investicije u stalna sredstva.

## 2.2. Statistika cijena

U skladu sa Planom, u okviru statistike cijena uspješno su provedene sve planirane aktivnosti putem mjesečnih statističkih istraživanja, a u cilju izrade najznačajnijih kratkoročnih indikatora iz oblasti statistike cijena.

Na osnovu cijena prikupljenih od proizvođača industrijskih proizvoda urađeni su mjesečni indeksi cijena proizvođača industrijskih proizvoda (PPI) koji se prodaju na domaćem tržištu, na inostranom tržištu i ukupni indeksi cijena proizvođača industrijskih proizvoda.

Putem obrasca C-41/DOM, od 308 izvještajnih jedinica koje proizvode i prodaju industrijske proizvode na domaćem tržištu, mjesečno se prikupljalo oko 1.080 pojedinačnih cijena. Prikupljene cijene su služile da se izračunavaju indeksi cijena proizvođača industrijskih proizvoda na domaćem tržištu.

Putem obrasca C-41/INO su se prikupljale cijene proizvoda koje izvještajne jedinice proizvode na teritoriji FBiH i prodaju na inostranom tržištu. Obuhvaćene su 242 izvještajne jedinice i mjesečno se prikupljalo oko 510 pojedinačnih cijena koje su služile za izračun Indeksa cijena proizvođača industrijskih proizvoda na inostranom tržištu.

Za izračunavanje Ukupnog indeksa cijena proizvođača industrijskih proizvoda korištene su cijene prikupljene gore navedenim obrascima.

Indeksi su publikovani po KD BiH 2010 prema kojoj se poslovni subjekti razvrstavaju u područja B,C,D i E i Nomenklaturi industrijskih proizvoda (NIP BiH 2010).

U toku 2014. godine, izvršeno je rebaziranje serije indeksa cijena proizvođača po KD BiH 2010 na domaćem tržištu za period 2007-2013. godina.

Za potrebe izrade indeksa potrošačkih cijena (CPI), kao indikatora inflacije, prikupljale su se cijene proizvoda i usluga lične potrošnje u 1.130 prodajnih mjesta u Sarajevu, Tuzli, Zenici, Mostaru i Bihaću. Mjesečno se prikupljalo 13.290 pojedinačnih cijena. Cijene u prodajnim objektima snimaju ovlašteni uposlenici Zavoda.

Indeksi cijena proizvođača industrijskih proizvoda, (ukupan indeks, indeks na domaćem tržištu i indeks na inostranom tržištu) i indeksi potrošačkih cijena (CPI) svakog mjeseca su publikovani u vidu saopćenja na web stranici Zavoda, kao i u redovnom Mjesečnom statističkom pregledu FBiH, u skladu sa rokovima publikovanja.

Iz podataka o kretanju cijena proizvođača industrijskih proizvoda (PPI) i potrošačkih cijena (CPI) urađeni su i koeficijenti rasta cijena koji se mjesečno objavljuju u Službenim novinama FBiH.

Za potrebe proizvodnje PPI i CPI indikatora u mjesečnoj dinamici prema zajedničkoj metodologiji usvojenoj od strane sve tri statističke institucije u BiH i usklađenoj sa EU standardima i regulativama, omogućena je kompilacija ovih indeksa za nivo BiH.

### **3. Poslovne statistike**

#### **3.1. Strukturne poslovne statistike**

Statistika strukturno poslovnog istraživanja predstavlja opći okvir za prikupljanje podataka svih aktivnih tržišnih jedinica (preduzeća i obrtnika - koji će biti uključeni u narednom periodu).

U procesu pripreme i same realizacije Strukturno poslovnih statistika ispoštovani su zahtjevi temeljne EU Regulative 295/2008 za ovu oblast statistike, sa ciljem pune harmonizacije sa evropskim standardima. Trenutno se pokrivaju prva četiri aneksa EU regulative, a u planu je proširenje i na anekse koji se odnose na poslovne usluge i poslovnu demografiju. Shodno tome su pripremljeni upitnici i uputstva za aneks 8 (poslovne usluge), koji će biti uključeni u redovno provođenje istraživanja u toku 2015. godine, čime će se obuhvat proširiti na spomenuti aneks, što je u skladu sa postavljenim ciljevima.

Na osnovu prikupljenih statističkih podataka koje su izvještajne jedinice dostavile Zavodu, pripremljeno je saopćenje „Prvi rezultati strukturno poslovnih statistika za referentnu 2013. godinu (varijable i indikatori za preduzeća)“, a u toku je i izrada finalnih procjena za konačne rezultate. U uzorku za referentnu 2013. godinu ukupno je bilo 6.908 preduzeća, a prikupljeni su podaci od 5.283 izvještajne jedinice.

Podaci za referentnu 2011. i 2012. godinu su dostavljeni Agenciji za statistiku BiH, koji su prosljedili podatke EUROSTAT-u. Svi rokovi za štampanje, prikupljanje, obradu i analizu i publikovanje podataka za provedeno istraživanje su ispoštovani, kao i obaveze prema Agenciji za statistiku BiH.

#### **3.2. Statistika industrije, građevinarstva i energije**

##### **Statistika industrije**

Statistička istraživanja koja su provedena u oblasti industrije u 2014. godini su: Mjesečni izvještaj industrije IND-1 (752 izvještajnih jedinica / na godišnjem nivou 9.024 jedinice) i Godišnji izvještaj industrije IND-21/PRODCOM (694 izvještajnih jedinica).

Izvještajne jedinice za prikupljanje Mjesečnog izvještaja industrije (IND-1) su poslovni subjekti sa 10 i više uposlenih. Ovim istraživanjem prikupljaju se podaci o broju zaposlenih osoba, ostvarenoj mjesečnoj proizvodnji i prihodu od prodaje i isporuke proizvoda i usluga na domaćem i stranom tržištu. Na osnovu podataka iz Mjesečnog izvještaja industrije izračunava se Indeks obima industrijske proizvodnje. Indeks se računa na mjesečnoj osnovi od ukupno 723 različita proizvoda. Podaci se objavljuje na web stranici Zavoda u vidu Saopćenja, zatim u biltenu „Mjesečni statistički pregled FBiH“ i Statističkom godišnjaku.

Indeks obima industrijske proizvodnje u 2014. godini, računat je prema jedinstvenoj metodologiji koju koriste sve tri statističke institucije. Podaci za obračun indeksa industrijske proizvodnje prikupljeni su po izmjenjenom obrascu Mjesečni izvještaj industrije (IND-1) i po Mjesečnoj nomenklaturi industrijskih proizvoda (Mjesečni NIP BiH 2013). Pored izvornih indeksa rađeno je izračunavanje sezonski prilagođenih indeksa i kalendarski prilagođenih indeksa na osnovu radnih dana.

Rađeno je na izračunu prometa industrije na domaćem i inostranom tržištu od 2010-2014.godine, podaci su u fazi pripreme za objavljivanje u 2015.godini.

Istraživanje Godišnji izvještaj industrije IND-21/PRODCOM za 2013. godinu provedeno je na temelju Nomenklature industrijskih proizvoda (NIP BiH 2013). Ovim istraživanjem prikupljaju se podaci o broju zaposlenih osoba, ostvarenoj proizvodnji, zalihama i prodaji industrijskih proizvoda količinski i vrijednosno, kao i o prodaji na stranom tržištu. Po završetku obrade podataka godišnjeg IND-21/PRODCOM istraživanja urađen je Bilten industrijske proizvodnje za 2013. godinu, koji je objavljen u skladu sa planom publikovanja.

U cilju dobijanja što kvalitetnijih statističkih podataka, intenzivno tokom cijele godine rađeno je na ažuriranju Statističkog poslovnog registra i proširenju obuhvata izvještajnih jedinica. Ukupno je ažurirano 125 izvještajnih jedinica, kojima je promijenjena ili glavna djelatnost ili dodata poslovna jedinica u Statističkom poslovnom registru.

## **Statistika građevinarstva**

Provedena istraživanja u oblasti statistike građevinarstva u 2014. godini su:

- Tromjesečni izvještaj građevinarstva GRAĐ-21 (broj izvještajnih jedinica - 293, godišnje 1.172);
- Mjesečni izvještaj o izdatim odobrenjima za građenje GRAĐ-OG (izvještajne jedinice su: 78 općina, 2 gradske uprave, 10 kantonalnih ministarstava i 1 ministarstvo FBiH, godišnje 2.384);
- Tromjesečni izvještaj o radovima u inostranstvu GRAĐ-33 (broj izvještajnih jedinica - 25, godišnje 100);
- Polugodišnji izvještaj o cijenama novih stanova GRAĐ-41 (broj izvještajnih jedinica - 20, godišnje 40);
- Godišnji izvještaj za građevinske objekte GRAĐ-11 (broj izvještajnih jedinica 263, ukupno 2.512 izvještaja o izgrađenim objektima za 2013.godinu).

Izvještajne jedinice za prikupljanje Tromjesečnog izvještaja građevinarstva (GRAĐ-21) su poslovni subjekti sa 10 i više uposlenih. Ovim istraživanjem prikupljaju se podaci o vrijednosti izvršenih radova, efektivnim satima rada, broju zaposlenih i stambenoj izgradnji. Na osnovu podataka Tromjesečnog izvještaja građevinarstva (GRAĐ-21), izračunava se Indeks proizvodnje u građevinarstvu. U dosadašnjem periodu indeks se računao na osnovu vrijednosti izvršenih građevinskih radova, a od 2014. godine računa se preko broja efektivnih sati rada.

Do marta 2014. godine kroz GIZ projekat izvršeno je preračunavanje vremenskih serija indeksa proizvodnje u građevinarstvu od 2010-2013. godine na bazu 2010. godinu, koristeći efektivne sate rada radnika na gradilištu za visokogradnju i niskogradnju ponderisane vrijednostima izvršenih građevinskih radova za indeks ukupno. Također je započeto računanje sezonski prilagođenih indeksa i kalendarski prilagođenih indeksa na osnovu radnih dana.

Mjesečnim izvještajem o izdatim odobrenjima za građenje (GRAĐ-OG) dobijaju se podaci o broju izdatih odobrenja za građenje, broju novih stanova i korisnoj površini stambenih i poslovnih prostora.

Istraživanjem Tromjesečni izvještaj o radovima u inostranstvu (GRAĐ-33) prikupljaju se podaci o ugovorenim i izvršenim građevinskim radovima u inostranstvu, broju zaposlenih osoba, po zemljama i vrstama radova.

Istraživanjem Polugodišnji izvještaj o cijenama novih stanova (GRAĐ-41) prikupljaju se podaci o cijenama novoizgrađenih stanova, cijenama stanova u izgradnji, cijeni zemljišta, troškovima gradnje i ostalim troškovima.

Godišnji izvještaj za građevinske objekte (GRAĐ-11), ovim istraživanjem prikupljaju se podaci o izgrađenim građevinskim objektima prema Klasifikaciji vrsta građevinskih objekata (CC).

Svi rokovi za prikupljanje, obradu i publikovanje podataka za provedena istraživanja su ispoštovani i podaci su objavljeni na web stranici Zavoda u vidu saopćenja, u Mjesečnom biltenu i tematskom biltenu „Građevinarstvo FBiH“ i Statističkom godišnjaku.

U okviru IPA 2012. Twinning projekta, kroz planirane misije sa stranim ekspertima (iz Hrvatske i Danske) pokrenute su aktivnosti za izračun proizvođačkih cijena u građevinarstvu.

## **Statistika energetike**

U oblasti energetske statistike u 2014. godini provedeno je 10 godišnjih i 2 mjesečna statistička istraživanja. Podaci mjesečnih istraživanja koriste se za izradu kratkoročnih saopštenja o proizvodnji i raspoloživosti za potrošnju električne energije i čvrstih goriva. Godišnja statistička istraživanja služe za izračunavanje godišnjih statističkih energetskih bilansa za Federaciju BiH i BiH.

Istraživanjima su prikupljeni i obrađeni sljedeći podaci: o proizvodnji i potrošnji električne energije (u obuhvatu 16 izvještajnih jedinica), o proizvodnji i potrošnji toplotne energije (u obuhvatu 13 izvještajnih jedinica), o proizvodnji i potrošnji uglja (u obuhvatu 11 izvještajnih jedinica), o trgovini uglja (u obuhvatu 5 izvještajnih jedinica), o snabdijevanju prirodnim plinom (u obuhvatu 4 izvještajne jedinice), o trgovini naftnim proizvodima (u obuhvatu 11 izvještajnih jedinica), o proizvodnji i potrošnji energenata u koksnoj industriji (u obuhvatu 2 izvještajne jedinice), o utrošku energenata u industriji (u obuhvatu 614 izvještajnih jedinica), te podaci o mjesečnoj proizvodnji električne energije (u obuhvatu 5 izvještajnih jedinica) i podaci o proizvodnji i raspoloživosti za potrošnju čvrstih goriva (u obuhvatu 16 izvještajnih jedinica).

Izvještajne jedinice za prikupljanje podataka su poslovni subjekti koji se bave proizvodnjom i distribucijom električne energije, proizvodnjom uglja, proizvodnjom toplotne energije, distribucijom plina, trgovinom čvrstim gorivima i naftnim derivatima. Također, izvještajne jedinice su i poslovni subjekti registrirani u oblasti industrije koji koriste i troše energente.

Svi rokovi za prikupljanje, obradu i publikovanje podataka za navedena istraživanja su ispoštovani i podaci su objavljeni na web stranici Zavoda u vidu saopćenja i u Statističkom godišnjaku. Takođe, ispoštovane su i obaveze prema Agenciji za statistiku BiH, kao i ostale obaveze prema korisnicima podataka Zavoda.

### **3.3. Statistika usluga i vanjske trgovine**

#### **Statistika unutarnje trgovine**

U oblasti unutarnje trgovine u 2014. godini provedena su sljedeća statistička istraživanja: Mjesečni izvještaj trgovine na malo, Tromjesečni izvještaj distributivne trgovine za pravne osobe i Godišnji izvještaj o domaćim sajmovima. Za sva tri statistička istraživanja podaci su prikupljeni, obrađeni i objavljeni na web stranici Zavoda u formi saopćenja, u biltenu „Mjesečni statistički pregled Federacije Bosne i Hercegovine” i u Statističkom godišnjaku/ljetopisu, u skladu s Planom.

Statističko istraživanje trgovine na malo bazira se na kombiniranoj metodi uzorka i punog obuhvata. Kao okvir za izbor uzorka koristi se Statistički poslovni registar Zavoda. Mala i srednja preduzeća izabrana su metodom slučajnog stratificiranog uzorka. Velika preduzeća čiji je godišnji promet dva miliona KM i više obuhvaćena su u potpunosti. Ukupni uzorak se sastoji od 868 poslovnih subjekata. Podaci o prometu u trgovini na malo (bez PDV-a) objavljuju se u apsolutnim vrijednostima i u obliku nominalnih neprilagođenih indeksa. U toku 2014. godine nastavljene su aktivnosti na pripremi obrade i objave podataka u obliku realnih indeksa, sezonski i kalendarski prilagođenih. U saradnji sve tri statističke institucije u Bosni i Hercegovini pripremljeno je Metodološko uputstvo za Indeks prometa trgovine na malo i Distributivne trgovine.

Statističkim istraživanjem distributivne trgovine prikupljaju se podaci o prometu sa i bez PDV-a, broj odrađenih sati, plaće i naknade zaposlenika, zalihe i bruto investicije u stalna sredstva. Izvještajne jedinice su poslovni subjekti – pravne osobe, koji su prema pretežnoj djelatnosti registrirani u području G KD BiH 2010 – Trgovina na veliko i na malo, popravak motornih vozila i motocikla, te izabrani poslovni subjekti koji su registrirani u drugim djelatnostima ali obavljaju djelatnost trgovine.

Statističko istraživanje distributivne trgovine bazira se na kombiniranoj metodi uzorka i punog obuhvata, u zavisnosti od veličine preduzeća. Mala i srednja preduzeća izabrana su metodom slučajnog stratificiranog uzorka, a velika čiji je godišnji promet četiri miliona KM i više, obuhvaćena su u potpunosti. Ukupni uzorak se sastoji od 1.520 preduzeća.

#### **Statistika vanjske trgovine**

Statističke aktivnosti koje se odnose na proizvodnju detaljnih statističkih podataka o robnoj razmjeni Federacije BiH s inozemstvom i indeksa jediničnih vrijednosti izvoza i uvoza izvršene su u skladu s Planom za 2014. godinu.

Publiciranje glavnih agregata izvršeno je u mjesečnoj periodici u obliku Saopćenja na web stranici Zavoda i u biltenu „Mjesečni statistički pregled Federacije BiH”. Detaljni godišnji podaci objavljeni su u Statističkom godišnjaku/ljetopisu, te prvi put u Statističkom biltenu “Robni promet Federacije BiH sa inozemstvom za 2013. godinu”. Kontinuirano je rađena obrada statističkih podataka o vanjsko-trgovinskim robnim transakcijama Federacije BiH, u skladu sa zahtjevima korisnika podataka.

Obračun indeksa jediničnih vrijednosti izvoza i uvoza zasniva se na podacima iz statističkog istraživanja Robne razmjene Federacije BiH sa inozemstvom. Cilj ove aktivnosti je sagledavanje dinamike kretanja cijena, odnosno jediničnih vrijednosti roba koje se izvoze i uvoze iz/u Federaciju BiH.

Indeksi jediničnih vrijednosti izvoza i uvoza objavljuju se u kvartalnoj periodici u obliku Saopćenja na web stranici Zavoda i u biltenu „Mjesečni statistički pregled Federacije BiH”, a godišnji podaci u Statističkom godišnjaku/ljetopisu, te prvi put u Statističkom biltenu “Robni promet Federacije BiH sa inozemstvom za 2013. godinu”.

Nedostupnost ID brojeva uzvoznika i uvoznika u bazi podataka Uprave za indirektno/neizravno oporezivanje bila je prisutna i u 2014. godini. Saradnja između Uprave za indirektno/neizravno oporezivanje i Zavoda je unaprijeđena, i u novembru 2014. godine potpisan je Protokol o razmjeni podataka između Uprave za indirektno/neizravno oporezivanje i Zavoda. To je od izuzetnog značaja jer se očekuje poboljšanje kontrole vjerodostojnosti baze podataka Jedinstvenih carinskih isprava, što direktno doprinosi poboljšanju kvaliteta statističkih podataka iz područja vanjske trgovine Federacije BiH.

## **Statistika turizma i ugostiteljstva**

Statistička aktivnost Mjesečni indikatori statistike smještaja u turizmu izvršena je u skladu s Planom. Prikupljeni su podaci o: smještajnim kapacitetima, broju dolazaka i noćenja domaćih i stranih turista ukupno i prema vrsti smještaja, te svrsi i načinu dolaska domaćih i stranih turista. Jedinice posmatranja su poslovni subjekti (preduzeća, obrtnici i drugi koji se bave ovom djelatnošću) i njihove jedinice u sastavu, koji su registrirani za djelatnost pružanja smještaja. Uključuju se i zdravstvene ustanove u kojima osobe same snose naknadu za medicinsku rehabilitaciju, odnosno svoj boravak, te poslovni subjekti koji se bave posredovanjem u smještaju gostiju u seljačkim domaćinstvima, kućama, kampovima, apartmanima i sobama, koje neposredno iznajmljuju građani/domaćinstva. Imajući u vidu da neke izvještajne jedinice imaju sezonski karakter poslovanja, na nivou 2014. godine istraživanjem je obuhvaćeno prosječno 320 izvještajnih jedinica.

Statističko istraživanje Tromjesečni izvještaj ugostiteljstva za pravne osobe izvršeno je u skladu s Planom za 2014. godinu. Podaci o prometu u ugostiteljstvu po vrstama ugostiteljskih objekata i po vrstama usluga prikupljeni su od preduzeća čija je glavna djelatnost pružanje usluga smještaja, te pripreme i usluživanja hrane i pića, kao i preduzeća čija je glavna djelatnost izvan navedenog, ali koja imaju jedinice po vrsti djelatnosti koje se bave pružanjem usluga smještaja, te pripreme i usluživanja hrane i pića. Istraživanjem je obuhvaćeno 500 izvještajnih jedinica.

Za oba statistička istraživanja podaci su prikupljeni, obrađeni i objavljeni na web stranici Zavoda u formi saopćenja, u biltenu „Mjesečni statistički pregled Federacije BiH” i u Statističkom godišnjaku/ljetopisu, u skladu s Planom.

U 2014. godini izvršen je unos podataka Pilot ankete o turističkoj aktivnosti domaćeg stanovništva (prikupljenih u 2013. godini) i transfer baze podataka Agenciji za statistiku BiH, u skladu sa njihovim zahtjevom, a s ciljem daljnje pripreme za uvođenje redovnog statističkog istraživanja.

U toku godine izvršena je priprema za uvođenje novog redovnog kvartalnog statističkog istraživanja za područje ugostiteljstva od 2015. godine, u skladu sa EU regulativom za kratkoročne statistike.

## **Statistika transporta i skladištenja**

U skladu sa Planom izvršene su sve statističke aktivnosti iz područja transporta i skladištenja. Statistički podaci su prikupljeni, obrađeni i objavljeni na web stranici Zavoda u formi saopćenja, u biltenu „Mjesečni statistički pregled Federacije BiH” i u Statističkom godišnjaku/ljetopisu.

U okviru ove djelatnosti provedeno je ukupno 16 statističkih istraživanja putem kojih su prikupljeni, obrađeni i publicirani sljedeći podaci: broj prijevoznih sredstava i prevezenih putnika u cestovnom, željezničkom i zračnom prijevozu; prevezena roba u cestovnom, željezničkom i zračnom prijevozu; broj putničkih i tonskih kilometara; broj letova; cestovna, željeznička i infrastruktura aerodroma; broj registriranih cestovnih motornih vozila po vrsti i starosti vozila i tipu pogonske energije; broj saobraćajnih nezgoda i broj poginulih i povrijeđenih osoba. Jedinice posmatranja su preduzeća čija je glavna djelatnost Prijevoz i skladištenje, osim poštanske i kurirske djelatnosti. Sva statistička istraživanja provode se na bazi punog obuhvata, osim istraživanja Kvartalni indikatori u transportu i skladištenju, koje se provodi na bazi slučajnog stratificiranog uzorka i kojim je obuhvaćeno 376 preduzeća. Za ostalih šest istraživanja koja se provode na tromjesečnom nivou prikupljeni su podaci od 344 izvještajne jedinice. Za devet istraživanja koja se provode na godišnjem nivou prikupljeni su podaci od 397 izvještajnih jedinica.

## **Statistika komunikacija**

U okviru ove oblasti provedena su dva tromjesečna i dva godišnja statistička istraživanja. Podaci su prikupljeni od šest izvještajnih jedinica i objavljeni su na web stranici Zavoda u formi saopćenja, u biltenu „Mjesečni statistički pregled Federacije BiH” i u Statističkom godišnjaku/ljetopisu, u skladu s Planom.

Prikupljeni su i objavljeni sljedeći podaci: broj pismonosnih i paketnih pošiljki; fiksni i mobilni telefonski razgovori, širokopojasni internet pristup; broj SMS poruka; broj pretplatnika u fiksnoj i mobilnoj telefoniji, broj internet pretplatnika po vrsti pristupa, broj pošta i poštanskih prijevoznih sredstava.

Jedinice posmatranja za navedena statistička istraživanja su poslovni subjekti registrirani u djelatnosti pružanja univerzalnih poštanskih usluga i ostalih poštanskih i kurirskih usluga, kao i poslovni subjekti za obavljanje djelatnosti žičane i bežične telekomunikacije i ostalih telekomunikacijskih djelatnosti.

## **Kratkoročna statistika ostalih usluga**

U okviru ove aktivnosti izvršena je priprema za uvođenje novih redovnih istraživanja od 2015. godine za sljedeće uslužne djelatnosti: hotelijerstvo i ugostiteljstvo, poštanske i kurirske usluge te za informacije i komunikacije. Definirani sadržaj istraživanja za uslužne djelatnosti harmoniziran je sa važećim EU standardima i metodologijom za kratkoročne statistike.



### **3.4. Statistika poljoprivrede, šumarstva, ribarstva i okoliša**

#### **Statistika poljoprivrede**

U skladu sa Planom, realizovani su svi planirani poslovi i zadaci u okviru statistike poljoprivrede, osim izrade adresara u okviru Popisa poljoprivrede i Godišnjeg istraživanja o rashodima i prihodima u zaštiti okoliša-probno.

Provedeno je 16 statističkih istraživanja (9 godišnjih, 1 kvartalno i 6 mjesečnih), kao i dvije statističke aktivnosti. Podaci iz oblasti statistike poljoprivrede, ovisno od oblasti, su prikupljeni, obrađeni i objavljeni na web stranici Zavoda u formi saopćenja, u biltenu „Mjesečni statistički pregled Federacije BiH”, Statističkom biltenu „Biljna proizvodnja Federacije BiH” i u Statističkom godišnjaku.

Statistika poljoprivrede prikuplja podatke o primarnoj poljoprivrednoj proizvodnji (struktura, proizvodnja i cijene) i prema Planu sadrži pet oblasti: statistiku biljne proizvodnje, statistiku stočarstva, mesa i jaja, statistiku mlijeka i mliječnih proizvoda, poljoprivredne strukture i poljoprivredne račune i cijene.

U okviru statistike biljne proizvodnje prikupljeni su i obrađeni podaci o korištenju poljoprivrednih površina, oraničnim površinama (ukupnim, neobrađenim, zasijanim), kao i požnjevenim površinama (po usjevima i grupama usjeva), zatim o ostvarenoj proizvodnji usjeva, voća i grožđa (obuhvat 73 poslovna subjekta iz poljoprivrede i 79 općina), stablima voća i čokotima vinove loze (ukupna i rodna), te potrošnji inputa i bilansama (samo za poljoprivredna preduzeća). Podaci se koriste za dobivanje indikatora o površinama i prinosima usjeva, voća i grožđa, za izračunavanje fizičkog obima indeksa poljoprivredne proizvodnje i ekonomskih računa u poljoprivredi.

U okviru statistike stočarstva prikupljeni su i obrađeni podaci o brojnom stanju stoke po vrstama i kategorijama, broju peradi i košnica pčela, stočnoj proizvodnji, bilansu stoke i peradi (94 poljoprivrednih preduzeća i 79 općina), klanju stoke i peradi po vrstama i kategorijama u klaonicama (141 klaonica i 127 obrtnika), u svrhu dobivanja podataka o proizvodnji mesa u klaonicama, kao i za izračunavanje ekonomskih računa u poljoprivredi. Također, u okviru statistike stočarstva prikupljaju se i obrađuju podaci o aktivnosti i strukturi valionica/inkubatorskih stanica (15) i prikupljanju mlijeka i mliječnih proizvoda (21 pravna osoba koja se bavi proizvodnjom mlijeka, mliječnih proizvoda i sira). Poljoprivredni računi i cijene (agro-monetarna statistika) prikupili su i obradili podatke o otkupu i prodaji poljoprivrednih proizvoda, tj. količini, vrijednosti i prosječnoj cijeni (292 izvještajne jedinice), cijenama reprezentativnih inputa: stočna hrana, mineralna đubriva, sredstva za zaštitu bilja, veterinarske usluge (63 izvještajne jedinice) i izradi poljoprivrednih računa. U cilju poboljšanja agro-monetarne statistike u 2014. godini nastavljen je rad na izradi šeme ponderisanja i kompletiranja serije nedostajućih podataka, te na izradi eksperimentalnih ekonomskih računa za poljoprivredu, indeksa cijena poljoprivrednih output-a i indeksa cijena određenih inputa u poljoprivredi.

Statistika poljoprivrede je bila uključena u projekte IPA 2011 MBP i IPA 2012 MBP sa tri komponente (biljna, stočarska i agro-monetarna statistika), a u 2014. godini je u sklopu projekta IPA 2012 MBP provedeno pilot istraživanje „Istraživanje o zasijanim površinama i ranim procjenama prinosa važnijih ranih usjeva“, u Federaciji BiH na uzorku od 100 poljoprivrednih gazdinstava koja se bave biljnom proizvodnjom. Svrha ankete je bila prikupljanje osnovnih informacija

o korištenim i zasijanim poljoprivrednim površinama i ranim procjenama prinosa važnijih usjeva. Anketa će omogućiti testiranje evropske i međunarodne metodologije o strukturi zasijanih površina i procjenama prinosa na poljoprivrednim gazdinstvima.

### **Statistika ribarstva**

U okviru statistike ribarstva prikupljeni su i obrađeni podaci o uzgoju i tovu ribe i mlađi, proizvodnji ribljih jaja/ikre i mlađi, kao i inputima u ribarstvu. Izvještajne jedinice su ribnjaci, tj. pravne osobe i dijelovi pravnih osoba (14 izvještajnih jedinica). Ovo istraživanje je u razvojnoj fazi, a cilj mu je obezbjediti pozdane podatke u oblasti statistike akvakulture i njihovo usklađivanje sa preporukama važeće EU Regulative, a podaci su objavljeni u Statističkom godišnjaku.

### **Statistika šumarstva**

U okviru statistike šumarstva (uključujući lovstvo) provedeno je osam statističkih istraživanja (7 godišnjih i jedno mjesečno).

Mjesečnim istraživanjem o proizvodnji, zalihama i vrijednosti šumskih sortimenata se prikupljaju podaci o proizvodnji (sječi), prodaji, zalihama i vrijednosti šumskih sortimenata u državnim šumama, i isti se prikupljaju i objavljuju mjesečno za nivo kantona i Federacije BiH. Izvještajne jedinice su poslovni subjekti registrovani u djelatnosti šumarstva koje se bave stalnom proizvodnjom šumskih sortimenata. Podaci su prikupljeni od 26 izvještajnih jedinica (324 izvještaja) i obuhvat je potpun, a podaci su objavljeni na web stranici Zavoda u formi saopćenja i u biltenu „Mjesečni statistički pregled Federacije BiH” .

Podaci o ukupno posječenju drvnoj masi (šum-21), podizanju i gajenju šuma (šum-41), štetama u šumama (šum-51) i šumskim požarima (ŠUM-pož) prikupljaju se za državne i privatne šume na godišnjem nivou. Izvještajne jedinice su poslovni subjekti registrovani u djelatnosti šumarstva koje gospodare državnim šumama, a za privatne šume iste izvještaje podnose nadležni organi uprave koji upravljaju privatnim šumama. Za svako od ova 4 godišnja istraživanja podaci su prikupljeni od 42 izvještajne jedinice (661 izvještaj) i obuhvat je 97%.

Podaci o građevinskim objektima, saobraćajnicama i mehanizaciji u šumarstvu (ŠUM-61) prikupljeni su od poslovnih subjekata registrovanih u djelatnosti šumarstva koji se bave stalnom proizvodnjom šumskih sortimenata. Podaci su prikupljeni od 32 izvještajne jedinice (32 izvještaja) i obuhvat je potpun.

Istraživanje „Ekonomski računi u šumarstvu (ŠUM-ER)“, provodi se kao redovno istraživanje, a u obuhvatu su javna preduzeća šumarstva i preduzeća koja se bave uslugama u šumarstvu. Podaci su prikupljeni od 188 izvještajnih jedinica (164 izvještaja) i obuhvat je 87%. Ovim istraživanjem prikupljaju se podaci o prihodima i troškovima, kapitalnim investicijama i grantovima, porezima, rentama i kamatama i ukupnom broju radnih sati u referentnoj godini.

Detaljni godišnji podaci objavljeni su u Statističkom godišnjaku, te prvi put u Statističkom biltenu „Šumarstvo u Federaciji BiH za 2013. godinu”.

Statistika lovstva (LOV-11) prikuplja podatke o brojnom stanju divljači, odstrelu divljači, broju lovišta i lovaca, te lovačkim zgradama i objektima i

zaposlenicima na godišnjem nivou. Izvještajne jedinice su poslovni subjekti koji se bave lovstvom (lovačka društva/udruge, preduzeća i ostale organizacije) koje imaju svoja lovišta ili gazduju lovištima, u obuhvatu je bilo 126 izvještajnih jedinica (117 izvještaja) i obuhvat je 93%.

## **Statistika okoliša**

U okviru statistike okoliša se provode istraživanja iz oblasti statistike otpada i statistike voda, a sva istraživanja su realizovana u skladu sa Planom, tj provedeno je 7 godišnjih statističkih istraživanja (4 istraživanja u oblasti statistike otpada i 3 istraživanja u oblasti statistike voda).

Izvještajne jedinice su poslovni subjekti iz oblasti rudarstva, industrije, energije, snabdijevanja vodom i upravljanja otpadom, ovisno o vrsti istraživanja.

Istraživanjima iz oblasti statistike otpada prikupljeni su podaci o količinama nastalog otpada (opasnom i neopasnom), prema kategorijama otpada nastalog u proizvodnim aktivnostima i načinima upravljanja tim otpadom i internom odstranjivanju/preradi. Također, prikupljeni su podaci o količinama otpada odloženog na deponijama i načinu postupanja sa prispjelim otpadom, kao i količini i strukturi sakupljenog komunalnog otpada (obuhvaćene su 172 izvještajne jedinice).

Istraživanjima iz oblasti statistike voda prikupljeni su podaci o snabdijevanju vodom, korištenju i ispuštanju upotrebljene (otpadne) vode i zaštiti voda od zagađivanja u industriji i rudarstvu, javnom vodovodu (isporučene količine vode prema djelatnosti iz javnog vodovoda) i javnoj kanalizaciji (porijeklo prečišćenih i neprečišćenih ispuštenih otpadnih voda), obuhvaćene su 534 izvještajne jedinice. Cilj istraživanja je dobivanje podataka o snabdjevenosti/opskrbi vodom, kao i podataka o porijeklu prečišćenih i neprečišćenih ispuštenih otpadnih voda.

U 2014. godini istraživanja iz oblasti statistike voda su provedena na redizajniranim obrascima i upustvima za provođenje istraživanja o statistici voda, sa ciljem unapređenja statistike voda, kako bi se omogućilo što uspješnije ispunjavanje nacionalnih i međunarodnih zahtjeva.

S ciljem prilagođavanja statistike otpada i voda sa EU regulativama, kao i poboljšanja trenutne situacije, validacije rezultata istraživanja o kvaliteti i primjeni postojećih kriterija o opasnom i neopasnom otpadu, statistika okoliša je bila uključena u projekat IPA 2011 MBP sa dvije komponente, voda i otpad. U okviru projekta "Partnerstvo u statistici u BiH 2012-2014" (SIDA/SCB nacionalni), bila je uključena komponenta statistika otpada (građevinski otpad i otpad iz uslužnih djelatnosti), s ciljem upoznavanja načina prikupljanja podataka o otpadu nastalim u ovim aktivnostima. Također, kroz isti projekat krenulo se sa redizajniranjem upitnika za "Godišnje istraživanje o rashodima i prihodima u zaštiti okoliša" (probno istraživanje).

Za statistička istraživanja iz oblasti okoliša podaci su prikupljeni, obrađeni i objavljeni na web stranici Zavoda u formi saopćenja i u Statističkom godišnjaku/ljetopisu, a u skladu s Planom.

### 3.5. Statistički registar i ekonomske klasifikacije

U toku 2014. godine kontinuirano se vršila analiza i ažuriranje podataka u Statističkom poslovnom registru (SPR-u). Baza podataka Registra poslovnih subjekata preuzima se mjesečno i predstavlja najvažniji administrativni izvor za punjenje i ažuriranje podataka u SPR-u. Primjenjuju se redovne procedure ažuriranja podataka u SPR-u iz administrativnih izvora. Na osnovu povratnih informacija iz statističkih istraživanja posebno se provodi ažuriranje podataka u SPR-u.

Podaci o statusu aktivnosti statističkih jedinica u SPR-u ažurirani su na osnovu više dostupnih izvora: izvještaja o godišnjem poslovanju, statusu transakcijskih računa Centralne banke BiH, direktnom komunikacijom sa poslovnim subjektima, kao i uvidom u podatke o registraciji objavljene od strane sudova, ministarstava i općina.

Urađena je analiza i ažuriranje statističkih jedinica u SPR-u po pitanju statusa aktivnosti i šifre glavne djelatnosti, na osnovu informacija iz Statističkog aneksa-godišnjeg računovodstvenog izvještaja za 2013. godinu, kao i na osnovu godišnjeg Strukturalnog poslovnog istraživanja (SPS).

U 2014. godini provedeno je Posebno istraživanje za poboljšanje kvaliteta podataka u SPR-u, na osnovu kojeg je izvršeno ažuriranje šifre glavne djelatnosti kojom se bavi preduzeće, kao i adresni podaci.

U okviru nacionalnog projekta IPA 2012/13, Podkomponenta 2.1 - Statistički poslovni registar, čiji je cilj dodatno unapređenje SPR-a u skladu sa EU regulativama, urađena je revizija petogodišnjeg plana, odnosno Plana aktivnosti za period 2013-2017. i donesen je Plan aktivnosti SPR-a za 2015. godinu.

Status aktivnosti preduzeća u SPR-u posebno je analiziran i ažuriran na osnovu podataka o stečaju/likvidaciji i brisanju poslovnih subjekata, koji su objavljeni u Službenim novinama Federacije BiH u 2014. godini.

Na osnovu zajedničkih aktivnosti predstavnika iz tri statističke institucije Bosne i Hercegovine uspostavljena su metodološka i informatička rješenja u SPR-u za preduzeća koja su promijenila sjedište u drugi entitet, odnosno Distrikt Brčko na teritoriji Bosne i Hercegovine.

Urađen je Prijedlog novih Metodoloških osnova za vođenje, održavanje i korištenje Registra poslovnih subjekata, usklađenih sa zakonima i drugim propisima koji imaju uticaj na njegov sadržaj i obuhvat

Protokol o razmjeni podataka između Porezne uprave Federacije BiH i Zavoda, kao korisnika Jedinstvenog sistema registracije, kontrole i naplate doprinosa, obostrano se poštuje.

Stanje Registra poslovnih subjekata na dan 31.12.2014. godine:

- 51.857 - osnovnih pravnih lica
- 29.520 - jedinica u sastavu
- 49.660 - obrtnika

### 3.6. GIS i registar prostornih jedinica

Odsjek za GIS i registar prostornih jedinica (RPJ) u toku 2014. godine proveo je sljedeće aktivnosti:

- Ažuriranje prostornih jedinica u skladu sa promjenama legislative na svim nivoima;
- Ažuriranje šifarskog sistema;
- Prikupljanje podataka od općina za ažuriranje i analize baza RPJ i priprema za obradu u skladu sa nastalim promjenama;
- Analizu podataka iz Administrativnog registra i RPJ (mjesne zajednice);
- Urađena je prva verzija web aplikacije RPJ

U cilju ažuriranja podataka RPJ, u 2014. godini Odsjek je u 79 općina Federacije BiH dostavio podatke iz baze podataka RPJ. Općinama su dostavljeni podaci za naseljena mjesta, mjesne zajednice, dijelove naseljenih mjesta (zaseoke/naselja) i ulice. Od 79 općina, povratne informacije o prostornim jedinicama Zavodu je dostavilo:

- 65 općina o naseljenim mjestima;
- 59 općina o mjesnim zajednicama;
- 41 općina o dijelovima naseljenih mjesta/zaseoci;
- 52 općine o ulicama.

Na osnovu povratnih informacija ažurirani su podaci za općine i naseljena mjesta, i objavljeni na web stranici Zavoda.

U sklopu aktivnosti na realizaciji obrade Popisa u Odsjeku je urađen prijem kartografskog materijala iz Popisne komisije lokalne samouprave, prijem kartografskog materijala iz Centra za unos, kontrolu i obradu podataka kao i izrada tezaurusa za naseljena mjesta i dijelove naseljenih mjesta za Federaciju BiH. Za 3.337 naseljenih mjesta u Federaciji BiH urađeno 10.187 tezaurusa. Dijelovi naseljenih mjesta (naselja/zaseoci) su prešifrirani na nove matične brojeve i Agenciji za statistiku BiH dostavljeno ukupno 15.047 zapisa.

Ostali poslovi koji su urađeni u Odsjeku:

- Za potrebe Ankete o potrošnji domaćinstava pripremljeno je 1.432 skica popisnih krugova.
- Pripremljeni su podaci za Godišnjak 2014 – dio Teritorijalni ustroj kao i podaci ("Šifarnik općina/ naseljenih mjesta Federacije BiH" i „Promjene kod općina i naseljenih mjesta u Federaciji BiH”), za objavu na web stranici Zavoda u skladu sa Planom publikovanja.
- Svi zahtjevi za potrebe vanjskih korisnika (državne, federalne, općinske vlasti, javna preduzeća, i sl.) su rješavani na vrijeme.

### III Administrativna i tehnička podrška

#### 1. Publicistika i diseminacija

*Odsjek za publicistiku* je u izvještajnom periodu izvršio sve aktivnosti predviđene Planom. U cilju pravovremenog informiranja domaćih i međunarodnih korisnika statističkih informacija, publikovana su statistička izdanja navedena u Prilogu 3. Sva statistička izdanja su pripremljena i objavljena na web stranici Zavoda. Paralelno s tim je vršena i štampa statističkih publikacija i distribucija korisnicima elektronskom poštom ili dostavom na adresu. Započete su pripreme na redizajniranju postojeće web stranice Zavoda.

U svrhu implementacije web baziranog geografskog informacionog sistema za analizu i vizualizaciju prostornih podataka statističkih istraživanja i Popisa, definisani su skupovi podataka za tematizaciju (prikaz) na web Gis Portalu i izvršeno prebacivanje već publikovanih podataka u SQL format, koji je prihvatljiv za objavljivanje na web Gis Portalu.

Grupa za štampu i umnožavanje je u izvještajnom periodu uradila sve Planom predviđene aktivnosti. Odštampano je 821.064 otisaka u A3 formatu, 406.200 otisaka u A4 formatu i izvršeno fotokopiranje, printanje i uvezivanje štampanog materijala.

*Odsjek za odnose sa javnošću i biblioteka* je imao kontinuiranu saradnju sa korisnicima, u cilju boljeg zadovoljavanja potreba korisnika statističkih podataka, a što je jedan od bitnih uslova u osiguranju kvalitetnih statističkih podataka u skladu sa Kodeksom prakse Zavoda i EU statistike.

Po drugi put provedena je Anketa o zadovoljstvu korisnika sa statističkim podacima i uslugama Zavoda, gdje su korisnici dali svoje mišljenje, primjedbe i prijedloge za poboljšanje istih. Anketa je provedena putem upitnika koji je postavljen na web stranici Zavoda, tako da je bio dostupan svim korisnicima. Obavještenje o provođenju istraživanja i mogućnosti on line popunjavanja upitnika upućeno je putem e-maila, faxom i poštom na adrese različitih korisnika (privrednici, istraživači, studenti, mediji, međunarodne organizacije, lokalna uprava, zakonodavna i izvršna vlast i ostali). Primjedbe i prijedlozi dati u Anketi su analizirani sa ciljem poboljšanja budućeg rada. Prema dobivenim rezultatima 80% anketiranih ocijenilo je da su podaci Zavoda pouzdani, dok je 8,33% anketiranih izjavilo da su podaci nepouzdati.

U izvještajnom periodu primljena su 502 korisnička zahtjeva (putem e-maila, faxes i pošte). Od toga je pozitivno odgovoreno na 492 zahtjeva ili 98%, a na 10 zahtjeva ili 0,2% nije bilo moguće pozitivno odgovoriti (Zavod nije raspolagao podacima ili se radilo o zahtjevima u kojima su se tražili individualni podaci izvještajnih jedinica). Pored navedenih zahtjeva, svakodnevno su se primali i rješavali zahtjevi putem telefona. Na sve zahtjeve je blagovremeno odgovoreno. Najveći broj zahtjeva odnosio se na oblasti: zaposlenost, plaće i nezaposlenost 26,9%, stanovništvo, 22,9%, cijene i 14,7%, trgovina.

Osim navedenih aktivnosti u Odsjeku je rađeno na lektorisanju materijala, praćenju bibliotečkih kretanja od interesa za statističku službu i obrada bibliotečke građe. Biblioteka je poluotvorenog tipa i u toku godine više korisnika je koristio postojeću bibliotečku građu i pomoć zaposlenih.

## 2. Pravni, kadrovski, finansijsko-računovodstveni i opći poslovi

Zavod je u toku 2014. godine, na osnovu Zakona o klasifikaciji zanimanja u Federaciji BiH pripremio prijedlog Odluke o klasifikaciji zanimanja u FBiH, koja je usvojena na 121. sjednici Vlade Federacije Bosne i Hercegovine, održanoj 26.06.2014. godine.

U skladu sa Planom borbe protiv korupcije, u izvještajnom periodu su izvršene aktivnosti predviđene Planom, te su dva periodična izvještaja dostavljena Timu za monitoring i koordinaciju Općeg plana borbe protiv korupcije.

U toku 2014. godine, provedeni su postupci javnih nabavki u skladu sa Zakonom o javnim nabavkama BiH. Kroz postupke javnih nabavki izvršena je nabavka računarske opreme i softvera, te su zaključeni i ugovori. Takođe, u skladu sa finansijskim mogućnostima, izvršeno je poboljšanje uslova rada zaposlenika Zavoda.

Izvršeni su radovi na izmjeni dotrajalih prozorskih otvora u Službama za statistiku za područje Hercegovačko-neretvanskog i Zapadnohercegovačkog kantona, te izvršena sanacija krova zgrade Zavoda u Sarajevu.

U toku izvještajnog perioda pripremljeni su pojedinačni akti iz djelokruga rada Zavoda (rješenja o godišnjim odmorima, godišnjim ocjenama zaposlenika, rješenja o plaćenom i neplaćenom odsustvu, rješenja o plaćama, odluke, odobrenja).

Sudski postupak po tužbi Agencije za statistiku Bosne i Hercegovine u predmetu rješavanja imovinsko-pravnih odnosa poslovnog prostora u Sarajevu pred Općinskim sudom u Sarajevu je obustavljen do završetka postupka koji se vodi pred nadležnim organom općine Stari Grad po ovom predmetu. Ministarstvo prostornog uređenja i zaštite okoliša Kantona Sarajevo je donijelo rješenje kojim se poništava zaključak Općine Stari Grad i vratilo predmet prvostepenom organu na ponovni postupak.

U toku izvršnog postupka uknjižbe prava vlasništva nad poslovnim prostorom u Mostaru pokrenutim 2012. godine po presudi Kantonalnog suda Hercegovačko-neretvanskog kantona, odbijen je zahtjev Zavoda za uknjižbu iz razloga što je Velmos izvršio prenos prava vlasništva na drugu firmu, a zbog čega je Zavod dana 03.07.2013. godine bili prinuđeni pokrenuti tužbu za oglašenje ništavim ugovora o kupoprodaji. Općinski sud u Mostaru je donio presudu kojom je navedeni ugovor oglašen ništavim, te je naloženo Zemljišno-knjižnom uredu Općinskog suda Mostar da izvrši brisanje zemljišno-knjižnog upisa na predmetnoj nekretnini izvršenog na ime Autolijanović d.o.o. Mostar. Advokat firme Autolijanović d.o.o. je uložio žalbu na naprijed navedenu presudu. Zavod je, po punomoćniku, dostavio odgovor na žalbu.

U toku izvještajnog perioda vršeno je zastupanje Zavoda pred Općinskim sudom u Sarajevu u tužbenim zahtjevima iz oblasti radnih odnosa, a zbog neusklađenosti Zakona o plaćama i naknadama u organima vlasti Federacije BiH i Kolektivnog ugovora za službenike organa uprave i sudske vlasti u Federaciji BiH. Po navedenim tužbama donesen je veliki broj presuda u korist zaposlenika.

Vanjski saradnici za provođenje Ankete o radnoj snazi (ARS 2014) su angažovani blagovremeno, te su pripremljena i sva ostala prateća akta i izvršeni svi poslovi potrebni za realizaciju istraživanja.

*Odsjek za finansijsko-računovodstvene poslove* je u 2014. godini sve planirane poslove i zadatke obavio u propisanim rokovima, utvrđenim u zakonskim i podzakonskim aktima i Uputstvima Federalnog ministarstva finansija.

U okviru aktivnosti vezanih za planiranje budžeta urađeni su mjesečni, tromjesečni i trogodišnji planovi, preraspodjele budžeta i rebalansi (dva rebalansa u 2014. godini).

U okviru aktivnosti koje se odnose na obavezno informisanje urađeni su godišnji, periodični i interni izvještaji.

U Odsjeku su se obavljale i sljedeće tekuće aktivnosti u utvrđenim rokovima:

- Svi poslovi vezani za pripremu obračuna plaća, naknada plaća i odbitaka od plaće uposlenih
- Vođenje knjigovodstvene evidencije stalnih sredstava
- Obračun i knjiženje amortizacije i rashoda
- Vođenje blagajničkog dnevnika i pravdanje utroška gotovinskih sredstava
- Plaćanje obaveza dobavljačima i kontrola plaćanja
- Kontinuirano praćenje izvršenja Budžeta
- Evidencija o stvorenim i izmirenim obavezama
- Izrada popisnih lista stalnih sredstava, obračun i rekapitulacija obračuna
- Dostava izvoda otvorenih stavki dobavljačima
- Kontinuirano kniženje poslovnih promjena

U 2014. godini je izvršena aktivnost predrevizije za 2014. godinu od strane Ureda za reviziju institucija u Federaciji BiH. Uposlenici Odsjeka su pružili podršku i dostavili traženu finansijsku dokumentaciju. Konačna revizija za 2014. godinu će biti u prvoj polovini 2015. godine.

### **3. Informaciono - komunikacione tehnologije i statističke metode**

#### **3.1. Informacioni sistem i tehnička podrška**

U toku protekle godine nastavljene su aktivnosti na potpunoj rekonstrukciji informacionog sistema Zavoda sa ciljem poboljšanja pouzdanosti, sigurnosti i funkcionalnosti istog. Poboljšanja se ogledaju u slijedećem:

- Uposlenici Odsjeka su pustili u produkciju novu serversku i komunikacionu opremu koju je Zavod dobio kao donaciju za potrebe Popisa. Jezgro novog računarskog sistema čini IBM Blade sa 8 dvoprocesorskih servera. Zavod je dobio i značajnu donaciju softvera. Korištenjem VMware 5.5 softvera izvršena je virtuelizacija servera čime su stvoreni preduslovi za korištenjem virtuelne infrastrukture i postignuta je znatno veća pouzdanost kao i fleksibilnost informacionog sistema.
- Na potpuno novoj hardverskoj/softverskoj infrastrukturi je izvršena instalacija i podizanje nove domene Zavoda koja je baziran na Windows Server 2012R2.
- U toku 2014. godine u šest kantonalnih odjeljenja izvršena je instalacija novih servera. Navedeni serveri su dio nove jedinstvene domene i stvorene su pretpostavke za prebacivanje svih bitnih podataka na servere kao i za automatskom razmjenom istih.



- U toku protekle godine izvršena je re/instalacija preko 200 računara u centrali kao i kantonalnim odjeljenjima. Navedenim je postignuto da se u Zavodu koristi samo jedan operativni sistem na personalnim računarima i to Windows 7 Enterprise kao i jedna od dvije verzije MS Office paketa i (2010 ili 2013).
  - U toku 2014. godine u centrali Zavoda je izvršena potpuna rekonstrukcija aktivne i pasivne računarske mreže. Instalirani su Access Switchs nove generacije koji omogućavaju upravljanje saobraćajem na Layer2 i Layer3 nivou.
  - U toku 2014. godine izvršeno je podizanje zasebnog servera na koji je instalirana najnovija verzija antivirusnog programa koji koristi Zavod (Symantec Endpoint Protection).
  - Na novu serversku infrastrukturu izvršeno je prebacivanje GIS servera uključujući i Oracle bazu podataka sa svim vektorskim i rasterskim podacima. Izvršena je instalacija novog WEB GIS servera na koji je instalirana Oracle 12c baza podataka, kao i Geoportal. Za potrebe registra prostornih jedinica izvršena je instalacija i puštanje u produkciju novog servera na kojem je postavljena web aplikacija za potrebe uposlenika RPJ.
- Svim gore navedenim aktivnostima znatno su unaprijeđeni svi aspekti funkcionalnosti, pouzdanosti i sigurnosti informacionog sistema Zavoda.

Osim navedenog obavljane su i slijedeće aktivnosti:

- Provođenje konstantnih aktivnosti na zaštiti podataka i sigurnosti informacionog sistema
- Administriranje mreže kroz instaliranje i konfigurisanje mrežne infrastrukture
- BackUp podataka
- Administracija baza podataka (Oracle, SQL Server, MySQL)
- Administracija virtuelne infrastrukture (VMvare)
- Administracija servera i Storage, Data Library, računara i ostale IT opreme
- Provođenje različitih mjera na unapređenju i poboljšanju IT sistema
- Pomoć uposlenicima Zavoda u korištenju IT tehnologija

### **3.2. Statističke metode i koordinacija**

U okviru rada na statističkim istraživanjima baziranim na uzorku radilo se na: pripremi okvira uzoraka, uzorkovanju, analizi i editovanju podataka, statističkim procjenama i analizama rezultata, pripremanju metodoloških dokumenata i rezultata za određena istraživanja. Ovim aktivnostima obuhvaćena su sljedeća istraživanja: Anketa o troškovima rada, Anketa o radnoj snazi, Anketa o potrošnji domaćinstava, Strukturne poslovne statistike, Statistika distributivne trgovine, Statistika trgovine na malo, Kratkoročna statistika za transport i skladištenje.

U okviru rada na programima i izvještajima, a u skladu sa Zakonom o statistici u FBiH, uredbama Vlade FBiH i internim aktima, izrađeni su:

- Prijedlog Izvještaja o radu Federalnog zavoda za statistiku za 2013. godinu
- Plan aktivnosti i rokovi statističkih istraživanja u 2014. godini

- Izvještaj o radu Federalnog zavoda za statistiku za 2014. godinu, prema Uredbi Vlade FBiH o procesu trogodišnje i godišnjeg planiranja i izvještavanja („Službene novine FBiH“ broj 5/14 od 22.01.2014.)
- Prijedlog Plana provođenja statističkih istraživanja od interesa za FBiH za 2015. godinu
- Godišnji plan rada Federalnog zavoda za statistiku za 2015. godinu
- Trogodišnji Plan rada Federalnog zavoda za statistiku za period 2015 – 2017.
- Trogodišnji Plan rada Federalnog zavoda za statistiku za period 2016 – 2018.

U sklopu SIDA-nih projekata pomoći razvoju statističkog sistema u BiH u okviru komponente Metodologija istraživanja, zajedno sa dugoročnim SIDA-inim konsultantom, pripremljene su obuke zaposlenika svih odsjeka na teme vezane za određene faze statističkog procesa. Pripremne aktivnosti obuhvaćale su određivanje tema, svrhe i ciljeva, sadržaja i načina rada, te učesnika kurseva. Pripremljene su sljedeće obuke :

- Statistika u akciji (STAC)
- Editovanje podataka u poslovnim statistikama
- Neuzoračke greške
- Tretman neodgovora
- Trening statističkih trenera
- Indikatori kvaliteta istraživanja

Također se učestvovalo s pripremljenim statističkim radovima na statističkim školama i konferencijama.

U sklopu popisnih aktivnosti, nakon unosa podataka Post-popisne ankete i njihove kontrole i ispravki, vršeno je uparivanje odgovarajućih jedinica posmatranja (osoba, domaćinstava i stambenih jedinica) Postpopisne ankete i Popisa, te su doručivani ranije pripremljeni metodološki dokumenti.

### **3.3. Razvoj aplikacija za unos podataka**

Odsjek je za veliki broj statističkih istraživanja razvio aplikacije za unos i obradu podataka.

Za potrebe Ekonomskih statistika izvršene su pripreme za računanje indeksa koje se rade na početku svake godine, kako za pojedinačne tako i za ukupni indeks cijena proizvođača industrijskih proizvoda na domaćem i stranom tržištu. Pripremljene su aplikacije za unos i obradu podataka za statistiku Nacionalnih računa, i izrađene aplikacije adresara za statistička istraživanja.

U sklopu Statistike stanovništva i društvenih statistika prilagođene su aplikacije za Statistiku tržišta rada – Rad1 (mjesečno i godišnje istraživanje) novom konceptu klijent – server aplikacije, uz korištenje postojeće VPN konekcije sa terenskim odjeljenjima, čime je omogućen unos podataka direktno na server u Zavodu. Na istom principu su prilagođene i aplikacije za Vitalne statistike. Za statističko istraživanje Biblioteke iz oblasti kulture razvijena je nova aplikacija.

Za potrebe Poslovnih statistika urađena je promjena načina izračuna indeksa industrijske proizvodnje za 2014. godinu, kao i preračunavanje prihoda za sve firme iz prethodnih godina, kako bi se dobila serija prihoda od 2010-2014. godine. Za potrebe unosa podataka Statistike poljoprivrede razvijene su aplikacije za unos i obradu podataka o tržnicama-pijacama i aplikacija za unos i

obradu podataka o mlijeku i mliječnim proizvodima. U sklopu Statističkog poslovnog registra (SPR) urađene su procedure za popunjavanje SPR-a podacima za subjekte koji su doselili u Federaciju BiH iz Republike Srpske i Brčko distrikta, i izrađene su aplikacije sa adresarima, formama za unos i korekcije podataka.

Radila se imputacija, računanje izvedenih varijabli i indikatora za istraživanje Strukturne poslovne statistike (SPS), kao i obrada podataka.

Permanentno su rađene korekcije i održavanje postojećih aplikacija, i rješavani su svi zahtjevi koji su proslijeđeni prema Odsjeku, bilo iz Zavoda ili izvan njega, a po instrukcijama istraživačkih odjeljenja.

U toku obrade Popisa, u Centru obrade materijala, Odsjek je kroz Radnu grupu za OCR i skeniranje i Radnu grupu za održavanje aplikacija i baze podataka aktivno radio cijelu godinu.

Odsjek je dao informatičku podršku Anketi o radnoj snazi (ARS) 2014, kao i svim aktivnostima vezanim za saradnju sa Agencijom za statistiku BiH i dostavom podataka.

### **3.4. Razvoj baza podataka, podrška diseminaciji i unos podataka**

Tokom 2014. godine uposlenici Odsjeka bili su angažirani na sljedećim aktivnostima:

U okviru Tehničke podrške obradi podataka Popisa, uposlenici Odsjeka su u saradnji sa kolegama iz druge dvije statističke institucije u BiH, tokom cijele godine davali kontinuiranu tehničku podršku obradi popisnih rezultata. Rađeno je i na administraciji i razvoju baza podataka (baza „sirovih” podataka, baza obrađenih podataka, diseminacijska baza podataka), te generisanju svih neophodnih izvještaja za dalju obradu podataka.

Izvršena je instalacija i podešavanje web aplikacije PC-Axis za diseminaciju podataka na lokalni virtuelni server, te je testirana sa podacima proisteklim iz probnog popisa stanovništva, kao i podacima statističkih istraživanja (statistički podaci o zaposlenosti, poljoprivredi i stanovništvu), i urađeno administratorsko i korisničko uputstvo.

Razvoj sistema meta podataka je planiran kao višegodišnji projekat koji se implementira u saradnji sa ostale dvije statističke institucije u BiH i stranim ekspertima. Tokom prošle godine uposlenici Odsjeka su radili na pripremi određenih dijelova za lakšu naknadnu implementaciju jedinstvenog sistema metapodataka: kreiranje web aplikacije i baze podataka klasifikacija – klasifikacija zanimanja, klasifikacija djelatnosti i Nomenklature industrijski proizvoda.

U okviru tehničke podrške za provođenje Ankete o zadovoljstvu korisnika implementirana je aplikacija bazirana na Open source tehnologiji, te su uposlenici radili na kontinuiranom održavanju, odnosno ažuriranju sa novim instalacijama i generisanjem „sirovih” izvještaja sa podacima, koji su osnova za saopštenje za publikovanje.

Osim navedenog, aktivnosti koje su implementirane u Odsjeku su tehnička podrška za web aplikacije za statistička istraživanja: aplikacija za građevinske dozvole, aplikacija za unos statističkih indikatora – pilot projekat, aplikacija za poljoprivredu te podrška uspostavi statističkog geo-portala. Tehnička podrška podrazumijeva instaliranje novih verzija web aplikacija i ažuriranje baza podataka.

## IV Kantonalne službe i uredi

U području statističke djelatnosti prikupljanja statističkih podataka od izvještajnih jedinica, definisanih Zakonom o statistici u FBiH i Planom, statistički podaci su se prikupljali, logički i matematički kontrolisali kroz mjesečna, kvartalna i godišnja istraživanja. U toku 2014. godine maksimalno se angažovalo na proširenju obuhvata za pojedina statistička istraživanja. Rokovi, predviđeni Planom su ispoštovani.

Ukupan broj prikupljenih i iskontrolisanih pojedinačnih statističkih izvještaja je oko 390.000.

U svih 10 Kantonalnih službi i ureda, u saradnji sa Federalnom poreskom upravom uspješno se vodila dnevna ažurnost administrativnog registra poslovnih subjekata. Kroz tu aktivnost vršeno je razvrstavanje poslovnih subjekata prema djelatnostima i blagovremeno izdavanje Obavještenja o razvrstavanju, kao i brisanje subjekata iz registra.

Za izračunavanje indeksa potrošačkih cijena, kao i prethodne godine, cijene su se prikupljaju u pet gradova FBiH (Bihać, Mostar, Sarajevo, Tuzla i Zenica) prema unaprijed definisanom uzorku prodajnih mjesta i listi proizvoda. U 2014. godini prikupljeni su podaci o cijenama sa ukupno 1.130 prodajnih mjesta, za 13.290 pojedinačnih cijena (posmatrano u mjesečnoj dinamici).

U 2014. godini uspješno je provedena Anketa o radnoj snazi (ARS) u svih 10 kantona prema unaprijed definisanom uzorku, za čiju realizaciju su angažovani i spoljni saradnici.

## V Aktivnosti koje su imale međunarodnu podršku

Statistička saradnja sa Evropskom komisijom i ostalim partnerima odvija se u okviru projekata pomoći EU i ostalih inostranih organizacija i institucija, u cilju razvoja statistike u BiH. Zavod je, u saradnji sa Agencijom za statistiku BiH i Republičkim zavodom za statistiku Republike Srpske u 2014. godini učestvovao u pripremi projektne dokumentacije i implementaciji više međunarodnih nacionalnih i regionalnih projekata među kojima su:

- Međunarodna posmatračka aktivnost (International Monitoring Operation - IMO) čija je svrha nadgledanje provođenja Popisa i obrade popisnih podataka. Memorandum o razumijevanju za IMO aktivnost su potpisali Evropska komisija u ime Evropske unije i Vijeća Evrope, i Vijeće ministara u ime BiH. Aktivnosti IMO tima će se nastaviti i u 2015. godini.
- IPA DIREKTNI GRANT za provođenje Popisa, čija vrijednost iznosi 7,5 miliona eura. Implementacija, koja je u toku, će trajati dvije godine (juni 2013. - juni 2015. godine).
- Tehnička pomoć za obradu podataka Popisa, koji je u okviru IPA 2011 Nacionalnog program za Bosnu i Hercegovinu, i u sklopu IPA Programa – Prelazna pomoć i komponenta izgradnje institucija (2011). Ova pomoć će se provoditi od 28.11.2014. - 27.11.2015. godine.

- IPA 2011 „Višekorisnički program za statističku saradnju“ je regionalni program koji se provodio dvije godine. Počeo se implementirati u julu 2012. godine, a završen je u julu 2014. godine. Projektom su bile obuhvaćene sljedeće statističke oblasti: metodologije nacionalnih računa, kvartalnih nacionalnih računa, agro-monetarne statistike, godišnje statistike usjeva, statistike stočarstva, statistike voda, statistike otpada, statistike prihoda i životnog standarda, Anketa domaćinstava, poslovnog registra, statistike unutarnje robne trgovine, strukturnih poslovnih statistika, statistike cijena – PPP i HICP. Projekat je provodila firma GOPA Consultants.
- IPA 2012 „Višekorisnički program statističke saradnje“ je regionalni program koji se počeo implementirati u decembru 2013. godine i čija će se implementacija završiti u novembru 2015. godine. Uvodni period je trajao osam mjeseci, do završetka IPA 2011 „Višekorisničkog programa za statističku saradnju“, juli 2014. godine. Ovim projektom su obuhvaćeni sljedeći pilot projekti: metodologija nacionalnih računa, agro-monetarne statistika, statistika godišnjih prinosa, statistika stočarstva, kratkoročne poslovne statistike, statistika međunarodne robne razmjene, statistika međunarodne razmjene usluga, Anketa o приходима i životnim uslovima (SILC), statistika cijena – PPP i HICP. Pored navedenih pilot projekata Programom su predviđene i horizontalne aktivnosti - seminari i konferencije radnih grupa, radionice za pilot projekte, obuke, stažiranje i ostalo. I ovaj projekat implementira firma GOPA Consultants.
- „Partnerstvo u statistici u BiH - 2012-2014“ (SIDA/SCB nacionalni 2012. - 2014. godine) je projekat bilateralne saradnje kojeg je provodila Statistika Švedske (SCB), a finansira SIDA. Period implementacije je trajao od januara 2012. do decembra 2014. godine. Komponente projekta su: statistika tržišta rada (Ankete o radnoj snazi i troškovima rada), statistika životne sredine, statističke metodologije i izgradnja općih kapaciteta (menadžment i ljudski resursi).
- Tokom 2012. godine urađen je prijedlog novog SIDA/SCB Regionalnog projekta saradnje u Jugoistočnoj Evropi – faza III za period 2013 - 2016. godine. Projekat se počeo implementirati u januaru 2013. godine, a sastoji od komponenti koje obuhvataju: aktivnosti regionalnog statističkog odbora, statistiku okoliša, statističke metodologije, ljetne škole i statistiku spolova.
- Međunarodni monetarni fond (MMF) je pokrenuo trogodišnji regionalni Projekat „Izgradnja kapaciteta za održivu kompilaciju statistike realnog sektora u Istočnoj Evropi“, kojeg finansira Vlada Japana. Cilj ovog projekta je pružanje pomoći za devet zemalja Istočne Evrope u unaprjeđenju tačnosti procjene nacionalnih računa i statistike cijena. U izvještajnom periodu se nastavilo s provođenjem raznih aktivnosti (obuke, radionice) vezanih za ovaj projekat.
- IPA 2012/13 nacionalni projekat je dogovoren u 2013. godini. Ovaj projekat obuhvata pet komponenti, od kojih će četiri implementirati sve tri statističke institucije, i to tri komponente putem „twinning“ pomoći koju implementira Statistika Danske s partnerima (komponenta 1 se odnosi na Nacionalne račune koji obuhvataju podkomponente: uvođenje sektorske i

podsektorske ekonomije BiH u skladu s SNA 2008/ESA 2010 i obuku službenika za implementaciju SNA 2008 i ESA 2010 metodologija; komponenta 2 se odnosi na Poslovnu statistiku koja obuhvata tri podkomponente: poboljšanje Statističkog poslovnog registra; razvoj Strukturnih poslovnih statistika i razvoj Kratkoročnih statistika; komponenta 4 se odnosi na Evropski sistem statistike integrirane socijalne zaštite, ESSPROS). Komponentu 3 – Finansijski računi će implementirati Centralna banka Bosne i Hercegovine, i komponenta 5 koja se odnosi na pripremu Popisa poljoprivrede, putem tehničke pomoći (TA).

Pored navedenih programa, Zavod je učestvovao i u projektima čiji nosioci su druge institucije.

## **VI Uslovi koji su uticali na realizaciju statističkih aktivnosti**

### **1. Organizaciona struktura**

Pravilnik o unutrašnjoj organizaciji Federalnog zavoda za statistiku usvojen je 13.06.2013. godine. Pravilnikom su sistematizirana 264 radna mjesta, od čega 8 rukovodećih državnih službenika, 178 ostalih državnih službenika, 78 namještenika i 1 savjetnik direktora (ukupno 265). Popunjenost radnih mjesta utvrđenih sistematizacijom, procentualno iznosi 67,92 %.


Na dan 31.12.2014. godine u Zavodu je bilo zaposleno 180 radnika, što je više u odnosu na 31.12.2013. godine, kada je bilo zaposleno 175 zaposlenika, a povećanje se odnosi na popunjavanje radnih mjesta zaposlenika koji su u prethodnom periodu otišli u penziju, a za koje je zbog dužine procedure, prijem završen tek u 2014. godini.

- U toku izvještajnog perioda Zavod je završio sa provođenjem obuke za dva pripravnika koji su angažovani na osnovu konkursa koji je objavila Služba za zapošljavanje Kantona Sarajevo, te volontera primljena putem Službe za zapošljavanje Tuzlanskog kantona. Na osnovu istog projekta, primljen je jedan pripravnik u 2014. godini.
- Zavod je proveo program obuke za 4 volontera koji su bili angažovani i finansirani od strane švedske statistike (SCB) / SIDE, a na osnovu prethodno potpisanog sporazuma o saradnji.
- U toku izvještajnog perioda, šest zaposlenika Zavoda ispunilo je zakonske uslove za odlazak u penziju, te su provedene potrebne procedure prestanka radnog odnosa.
- U 2014. godini je na osnovu dobijene saglasnosti Vlade Federacije BiH, provedena konkursna procedura za prijem devet (9) državnih službenika i dva namještenika.

### **Problemi sa nedostatkom kadrova**

U toku izvještajnog perioda Zavod se susreo sa problemom nedovoljnog broja zaposlenika zbog povećanja obima poslova, uvođenja novih istraživanja i prelaska na istraživanja na bazi uzorka, te angažovanosti velikog broja zaposlenika Zavoda na unosu i obradi podataka Popisa.

FEDERALNI ZAVOD ZA STATISTIKU - ORGANIZACIONA ŠEMA



## 2. Finansiranje

Ekonomski kod	Vrsta rashoda	Budžet za 2014. godinu	Izvršenje budžeta za 2014. godinu na dan 31.12.2014.	Indeks (Izvrš./Budžet)
<b>611000</b>	<b>Plaće i naknade troškova zaposlenih</b>	<b>5.097.310</b>	<b>4.877.599</b>	<b>95,69</b>
611100	Bruto plaće i naknade plaća	4.263.957	4.121.954	96,67
611100	Bruto plaće i naknade plaća -Izmirenje poreza i doprinosa iz sudskih presuda	209.387	208.450	99,55
611200	Naknade troš. zaposlenih	623.966	547.195	87,70
<b>612000</b>	<b>Doprinosi poslodavca i ost. doprinosi</b>	<b>500.445</b>	<b>493.257</b>	<b>98,56</b>
612100	Doprinosi poslodavca	442.435	435.303	98,39
612100	Doprinosi poslodavca-Izmirenje poreza i doprinosa iz sudskih presuda	58.010	57.954	99,90
<b>613000</b>	<b>Izdaci za materijal, sitan inventar i usluge</b>	<b>1.212.018</b>	<b>935.982</b>	<b>77,23</b>
613100	Putni troškovi	51.052	21.148	41,95
613100	Putni troškovi - Popis stanovništva, domaćinstava i stanova u BiH 2013.	19.999	78	0,39
613100	Putni troškovi - ARS anketa	5.000	1.525	30,50
613100	Putni troškovi - HBS anketa	10.050	555	5,52
613200	Izdaci za energiju	118.241	84.487	71,45
613300	Izdaci za komunikaciju i komunalne usluge	208.964	160.486	76,80
613300	Izdaci za komunikaciju i komunalne usluge	7.200	0	0,00
613400	Nabavka materijala i sitnog materijala	143.213	109.122	76,20
613400	Nabavka materijala i sitnog materijala - Popis stanovništva, domaćinstava i stanova u BiH 2013.	5.000	0	0,00
613500	Izdaci za usl. prevoza i goriva	28.656	16.195	56,52
613600	Unajmljivanje imovine, opreme i nematerijalne imovine	37.865	31.803	83,99
613600	Unajmljivanje imovine, opreme i nematerijalne imovine - HBS anketa	1.000	975	97,50
613600	Unajmljivanje imovine, opreme i nematerijalne imovine - ARS anketa	2.500	1.599	63,96
613700	Izdaci za tekuće održavanje	158.440	142.832	90,15
613800	Izdaci za osiguranja, bankarskih usluga i usluga plat. prometa	20.093	10.388	51,70
613900	Ugovorene i druge posebne usluge	154.362	183.827	119,09
613900	Ugovorene i dr. posebne usluge - ARS anketa	102.500	95.481	93,15
613900	Ugovorene i dr. posebne usluge - HBS anketa	35.992	49.819	138,42
613900	Ugovorene i dr. posebne usluge - Popis stanovništva, domaćinstava i stanova u BiH 2013.	100.176	23.947	23,90
613900	Ugovorene i dr. posebne usluge - Izmirenje poreza i doprinosa iz sudskih presuda	1.715	1.715	100,00
<b>614000</b>	<b>Tekući transferi i drugi tekući rashodi</b>	<b>9.990</b>	<b>9.990</b>	<b>100,00</b>
614100	Tekući transferi drugim nivoima vlasti - Popis stanovništva, domaćinstava i stanova u BiH 2013.	9.990	9.990	100,00
<b>821000</b>	<b>Izdaci za nabavku stalnih sredstava</b>	<b>252.000</b>	<b>169.090</b>	<b>67,10</b>
821300	Nabavka opreme	105.100	104.787	99,70
821500	Nabavka stalnih sredstava u obliku prava	146.900	64.303	43,77
	<b>UKUPNO</b>	<b>7.071.763</b>	<b>6.485.917</b>	<b>91,71</b>



U 2014. godini iskazani su ukupni rashodi u iznosi od 6.485.917 KM.

U 2014. godini utrošeno je 66,7% manje u odnosu na 2013. godinu. U 2013. godini je završeno plaćanje angažovanog osoblja na projektu Popis stanovništva, domaćinstava i stanova u BiH 2013, kao i drugih izdataka koji se odnose na navedeni projekat.

U 2014. godini u Zavodu je bilo zaposleno prosječno 179 radnika. Prosječna neto plata iznosila je 1.339,64 KM, dok je bruto iznosila 2.015,98 KM.

## **P R I L O Z I:**

Prilog 1. – Pregled planiranih i izvršenih aktivnosti i istraživanja po odsjecima

Prilog 1a. – Istraživanja koja su provedena a nisu bila predviđena Planom

Prilog 2. – Spisak statističkih aktivnosti i istraživanja koja nisu provedena

Prilog 3. – Spisak publikacija

Prilog 4. – Zaposleni radnici prema polu i stepenu obrazovanja

Prilog 5. – Budžet

Prilog 6. – Poslovni prostor

Prilog 7. – Spisak seminara

**Prilog 1. – Pregled planiranih i izvršenih aktivnosti i istraživanja po odsjecima u 2014. godini**

STATISTIČKE OBLASTI		PLANIRANA STATISTIČKA ISTRAŽIVANJA I AKTIVNOSTI		REALIZOVANA STATISTIČKA ISTRAŽIVANJA I AKTIVNOSTI		PROCENTUALNO IZVRŠENJE	
		BROJ AKTIVNOSTI	BROJ ISTRAŽIVANJA	BROJ AKTIVNOSTI	BROJ ISTRAŽIVANJA	AKTIVNOSTI (%)	ISTRAŽIVANJA (%)
	<b>UKUPNO</b>	<b>50</b>	<b>148</b>	<b>45</b>	<b>146</b>	<b>90</b>	<b>98,7</b>
<b>1.</b>	<b>Statistika stanovništva i društvene statistike</b>	<b>4</b>	<b>61</b>	<b>4</b>	<b>61</b>	<b>100</b>	<b>100</b>
1.1.	Statistika stanovništva i registar	1	9	1	9	100	100
1.2.	Statistika tržišta rada	3	4	3	4	100	100
1.3.	Statistika razvoja društva	0	47	0	47		100
1.4.	Statistika životnih uslova	0	1	0	1		100
<b>2.</b>	<b>Ekonomске statistike</b>	<b>8</b>	<b>10</b>	<b>8</b>	<b>10</b>	<b>100</b>	<b>100</b>
2.1.	Statistika nacionalnih računa	7	7	7	7	100	100
2.2.	Statistika cijena	1	3	1	3	100	100
<b>3.</b>	<b>Poslovne statistike</b>	<b>23</b>	<b>77</b>	<b>18</b>	<b>75</b>	<b>78,3</b>	<b>97,4</b>
3.1.	Strukturne poslovne statistike	0	1	0	1		100
3.2.	Statistika industrije, građevinarstva i energije	3	18	1	18	33,3	100
3.3.	Statistika usluga i vanjske trgovine	13	24	11	24	84,6	100
3.4.	Statistika poljoprivrede, šumarstva, ribarstva i okoliša	2	34	2	32	100	94,1
3.5.	Statistički registar i ekonomske klasifikacije	2	0	2	0	100	
3.6.	GIS i registar poslovnih jedinica	3	0	2	0	66,7	
<b>4.</b>	<b>Publicistika i diseminacija</b>	<b>7</b>	<b>0</b>	<b>7</b>	<b>0</b>	<b>100</b>	
4.1.	Publicistika	7	0	7	0	100	
<b>5.</b>	<b>Informaciono-komunikacione tehnologije i statističke metode</b>	<b>8</b>	<b>0</b>	<b>8</b>	<b>0</b>	<b>100</b>	
5.1.	Informacioni sistem i tehnička podrška	1	0	1	0	100	
5.2.	Razvoj baza podataka, podrška diseminaciji i unos podataka	6	0	6	0	100	
5.3.	Razvoj aplikacija za unos podataka	1	0	1	0	100	

## **Prilog 1a. - Istraživanja koja su provedena u 2014. godini a nisu bila predviđena Planom**

### **Odsjek za statistiku industrije, građevinarstva i energije**

- Mjesečni izvještaj o čvrstim gorivima - proizvođači uglja
- Mjesečni izvještaj o čvrstim gorivima - koksare
- Mjesečni izvještaj o čvrstim gorivima - industrijska preduzeća

### **Odsjek za statistiku razvoja društva**

- Finansijska statistika obrazovanja – pilot istraživanje

## **Prilog 2. – Spisak planiranih aktivnosti i istraživanja koja nisu provedena u 2014. godini**

### **Odsjek za statistiku usluga i vanjske trgovine**

- Godišnje istraživanje o upotrebi informacijskih i komunikacijskih tehnologija u domaćinstvima – probno
- Godišnje istraživanje o upotrebi informacijskih i komunikacijskih tehnologija u preduzećima – probno

### **Odsjek za statistiku poljoprivrede, šumarstva, ribarstva i okoliša**

- Poljoprivredne strukture - Popis poljoprivrede (izrada adresara poljoprivrednih gazdinstava)
- Godišnje istraživanje o rashodima i prihodima u zaštiti okoliša (INV-OK) – probno

### **Odsjek za GIS i registar poslovnih jedinica**

- Nastavak rada na izradi nomenklature statističkih teritorijalnih jedinica u BIH (NUTS1, NUTS2 i NUTS3)

### **Odsjek za statistiku industrije, građevinarstva i energije**

- Stručno metodološki rad - Uvođenje novih statističkih istraživanja o potrošnji energije u domaćinstvima
- Stručno metodološki rad - Uvođenje novih statističkih istraživanja o obnovljivim izvorima energije

### Prilog 3. – Spisak publikacija objavljenih u 2014. godini

RB	PUBLIKACIJE KOJE SE OBJAVLJUJU	TIRAŽ	FORMAT
1.	Migracije stanovništva, 2013	100	A4
2.	Biljna proizvodnja u FBiH, 2013	100	A4
3.	Kultura i umjetnost u FBiH u 2013	100	A4
4.	Visoko obrazovanje u FBiH u 2013/2014	100	A4
5.	Socijalna zaštita u FBiH u 2013	100	A4
6.	Demografska statistika 2013	100	A4
7.	Predškolsko obrazovanje u 2013. godini, Osnovno obrazovanje u FBiH, kraj školske 2012/2013 i početak 2013/2014 godine	100	A4
8.	Zaposlenost, nezaposlenost i plaće u FBiH u 2013	100	A4
9.	Prijavljene, optužene i osuđene punoljetne i maloljetne osobe i privredni/gospodarski prijestupi i sporovi u FBiH u 2013 godini	100	A4
10.	Šumarstvo u FBiH u 2013	100	A4
11.	Srednje obrazovanje u FBiH kraj 2012/2013 i početak 2013/2014 školske godine	100	A4
12.	Građevinarstvo u FBiH, 2013	100	A4
13.	Industrijska proizvodnja FBiH u 2013	100	A4
14.	Investicije u stalna sredstva u FBiH u 2013	100	A4
15.	Bruto domaći proizvod u FBiH za 2013. godinu	100	A4
16.	Mjesečni statistički pregled FBiH (12 naslova)	220	A4
17.	Mjesečni statistički pregled FBiH po kantonima (12 naslova)	220	A4
18.	Statistički godišnjak/ljetopis 2014	200	A4
19.	FBiH u brojkama	100	A5
20.	Kantoni u brojkama (10 naslova)	100	A5
21.	Žene i muškarci u FBiH	100	A5

### TROMJESEČNA SAOPŠTENJA U 2014. GODINI

RB	ISTRAŽIVANJE	NAZIV SAOPŠTENJA
1.	Građevinarstvo	Indeksi proizvodnje u građevinarstvu
		Izdata odobrenja za građenje
		Građevinski radovi u inozemstvu
2.	Bruto domaći proizvod	Tromjesečni bruto domaći proizvod
3.	Unutrašnja trgovina	Distributivna trgovina
4.	Prijevoz, skladištenje i komunikacije	Promet u prijevoznim i skladišnim djelatnostima
		Cestovni prijevoz robe i putnika
		Zračni prijevoz
		Promet na aerodromima/u zračnim lukama
		Poštanske, kurirske i telekomunikacijske usluge
		Prijevoz putnika i robe željeznicom
5.	Poljoprivreda	Klanje stoke i peradi u klaonicama
6.	Ugostiteljstvo	Promet u ugostiteljstvu
7.	Vanjska trgovina	Indeksi izvoznih i uvoznih cijena

### POLUGODIŠNJA SAOPŠTENJA U 2014. GODINI

RB	ISTRAŽIVANJE	NAZIV SAOPŠTENJA
1.	Građevinarstvo	Cijene novih stanova

## GODIŠNJA SAOPŠTENJA U 2014. GODINI

RB	ISTRAŽIVANJE	NAZIV SAOPŠTENJA
1.	Unutrašnja trgovina	Domaći sajmovi
		Godišnji podaci o prometu u distributivnoj trgovini
		Godišnji podaci o prometu u trgovini na malo
2.	Prijevoz, skladištenje i komunikacije	Cestovni prijevoz robe u 2013.
		Poštanske, kurirske i telekomunikacijske usluge, 2013
		Prometne nesreće na cestama u 2013.
		Prijevoz putnika i robe u 2013.
		Ceste, mostovi i tuneli u 2013.
		Zračni promet u 2013.
		Registrirana cestovna motorna vozila za 2013.
		Promet na aerodromima /u zračnim lukama u 2013.
3.	Bruto domaći proizvod	Bruto dodana vrijednost i bruto domaći proizvod – proizvodni pristup – prvi rezultati
		Bruto dodana vrijednost i bruto domaći proizvod – proizvodni pristup – konačni rezultati
		Bruto dodana vrijednost i bruto domaći proizvod – dohodovni pristup – prvi rezultati
		Bruto dodana vrijednost i bruto domaći proizvod – dohodovni pristup – konačni rezultati
4.	Investicije	Investicije u 2013. – prvi rezultati
		Investicije u 2013. – konačni rezultati
5.	Obrazovanje	Predškolsko obrazovanje, 2014
		Osnovne škole – kraj školske 2013/2014 i početak 2014/2015 godine
		Upisani studenti na visokoškolskim ustanovama
		Visoko obrazovanje FBiH
6.	Poljoprivreda	Srednje škole – kraj školske 2013/2014 i početak 2014/2015 godine
		Brojno stanje stoke i stočna proizvodnja
		Indeksi poljoprivredne proizvodnje
		Zasijane površine u jesenjoj sjetvi
		Zasijane površine u jesenjoj i proljetnoj sjetvi
		Ostvareni prinosi kasnih usjeva, voća i grožđa
7.	Stanovništvo	Ostvareni prinosi ranih usjeva i voća
		Ostvareni prinosi južnog voća i maslina
8.	Ugostiteljstvo	Procjena ukupnog broja prisutnih stanovnika po spolnoj i starosnoj strukturi
9.	Kultura i umjetnost	Ugostiteljstvo u FBiH, 2013
10.	Vanjska trgovina	Kultura i umjetnost u FBiH u 2013.
11.	Socijalna zaštita	Podaci o robnoj razmjeni s inozemstvom za 2013.
12.	Pravosuđe	Socijalna zaštita/skrb u FBiH, 2013
13.	Okoliš	Pravosuđe u 2013
		Korišćenje voda i zaštitavoda od zagađivanja u industriji u 2013.
		Prikupljeni i odloženi komunalni otpad u 2013.
		Prečišćavanje i ispuštanje otpadnih voda u 2013
14.	Ankete	Skupljanje, prečišćavanje i distribucija vode u 2013.
		Anketa o radnoj snazi, 2014- preliminarni podaci
		Anketa o radnoj snazi, 2014- konačni podaci
		Troškovi rada u FBiH za 2012. – preliminarni rezultati
15.	Energetika	Troškovi rada u FBiH za 2012. – konačni rezultati
		Bilans električne energije, 2013.
		Bilans naftnih derivata, 2013
		Bilans ugljena, 2013.
16.	Strukturne poslovne statistike	Bilans prirodnog plina, 2013
		Strukturne poslovne statistike-preliminarni rezultati-varijable i indikatori za preduzeća, 2012.
17.	Industrija	Strukturne poslovne statistike-preliminarni rezultati-varijable i indikatori za preduzeća, 2013.
		Indeksi obima industrijske proizvodnje, 2013.
		Industrijska proizvodnja u FBiH, 2013.

## BROJ SAOPŠTENJA PO ISTRAŽIVANJIMA I TIPU U 2014. GODINI

RB	ISTRAŽIVANJE	TIP SAOPŠTENJA				Ukupno saopštenja po oblastima
		Mjesečno	Tromjesečno	Godišnje	Polugodišnje	
1.	Građevinarstvo	-	3	-	1	14
2.	Šumarstvo	1	-	-	-	12
3.	Unutrašnja trgovina	1	1	3	-	19
4.	Turizam	1	-	-	-	12
5.	Prijevoz, skladištenje i komunikacije	-	6	8	-	32
6.	Cijene	2	-	-	-	24
7.	Zaposlenost, nezaposlenost i plaće	2	-	-	-	24
8.	Industrija	1	-	2	-	14
9.	Bruto domaći proizvod	-	1	4	-	8
10.	Investicije	-	-	2	-	2
11.	Obrazovanje	-	-	5	-	5
12.	Poljoprivreda	2	1	7	-	35
13.	Stanovništvo	1	-	1	-	13
14.	Kultura i umjetnost	-	-	1	-	1
15.	Vanjska trgovina	1	1	1	-	17
16.	Ugostiteljstvo	-	1	1	-	5
17.	Socijalna zaštita	-	-	1	-	1
18.	Pravosuđe	-	-	1	-	1
19.	Okoliš	-	-	5	-	5
20.	Ankete	-	-	4	-	4
21.	Energetika	1	-	4	-	16
22.	Strukturne poslovne statistike	-	-	2	-	2
23.	Istraživanje i razvoj	-	-	2	-	2
	<b>UKUPNO SAOPŠTENJA U 2014. GODINI:</b>	<b>156</b>	<b>56</b>	<b>54</b>	<b>2</b>	<b>268</b>

### Prilog 4. – Zaposleni prema polu i stepenu obrazovanja (31.12.2014.)

Školska sprema	Broj radnika				
	Po sistematizaciji	Popunjeno			Nije popunjeno
		Ukupno	Muškarci	Žene	
VSS - Državni službenici	187	116	36	80	71
VŠS i SSS - Namještenici	78	64	17	47	14
<b>UKUPNO</b>	<b>265</b>	<b>180</b>	<b>53</b>	<b>127</b>	<b>85</b>

## Prilog 5. – Budžet Federalnog zavoda za statistiku

GODINA	U KM	UČEŠĆE U BUDŽETU FEDERACIJE BIH ( % )
2011.	8.828.655	0,51
2012.	8.196.704	0,41
2013.	23.402.371	1,06
2014.	7.071.763	0,29

## Prilog 6. – Poslovni prostor

	Broj kancelarija	Površina u m <sup>2</sup>	Broj radnika	
	Stanje	Stanje	Popunjeno	Potrebno po sistematizaciji
FZS Centrala Sarajevo	40	890	105	162
Kantonalna služba Bihać	5	95	9	12
Kantonalni ured Orašje	1	40	2	4
Kantonalna služba Tuzla	10	150	11	16
Kantonalna služba Zenica	4	92	9	12
Kantonalni ured Gorazde	2	35	4	4
Kantonalna služba Travnik	4	78	8	11
Kantonalna služba Mostar	7	150	9	14
Kantonalni ured Široki Brijeg	3	55	5	6
Kantonalna služba Sarajevo	5	120	13	17
Kantonalni ured Livno	3	83	5	7

Poslovni prostori u Zenici, Bihaću i Orašju se koriste na osnovu potpisanog ugovora o zakupu.

## Prilog 7. – Spisak seminara i obuka u 2014. godini

RB.	Naziv seminara ili sastanka	Broj učesnika	Broj dana
1	Kurs: "Inspirational Leadership through Periods of Change and Modernisation"	6	3
2	Seminar: "Neuzoračke greške"	4	5
3	Kurs "Statistika u akciji" (STAC)	3	5
4	Pripremni sastanak za ljetnju školu (SIDA)	1	1
5	Radionica "Poslovna korespondencija" (ADS FBIH)	4	1
6	Radionica "Pisana komunikacija na engleskom" (ADS FBIH)	4	2
7	Statistička konferencija	1	5
8	Radionica "Upravljanje kvalitetom u javnoj upravi" (ADS FBIH)	3	1
9	Studijska posjeta Švedskoj statistici za Anketu o radnoj snazi (ARS)	2	3
10	Anketa o prihodima i životnom standardu (SILC)	1	3
11	Radionica "Child poverty and Deprivation in Bosnia and Herzegovina HBS 2011"	4	5
12	Radionica o upotrebi informacijskih i komunikacijskih tehnologija u preduzećima i u domaćinstvima (ICT), Crna Gora	2	3
13	Misija: Performance Assessment Framework – PAF (SIDA)	4	7
14	Ljetnja škola u Orebru, Švedska (SIDA/SCB)	1	3
15	Radionica: "Tretiranje neodgovora"	2	3
16	Balkanska ljetnja škola (SIDA)	3	5
17	Operacije međunarodnog monitoringa (IMO) za PPA	1	3
18	Radionica: "Trening trenera" (SIDA)	2	3
19	Misija o Anketi o radnoj snazi (ARS)	2	3
20	Regional survey methodology course 2014., (6-10.10; 20-24.10; 10-14.11.2014., Tirana, Bečići, Skoplje) SIDA	2	15
21	Metodologija istraživanja – predavač (SIDA)	1	5
22	Analiza dječijeg siromaštva	3	1
23	Obuke "Planiranje i izvještavanje - po uredbi Vlade FBiH" (ADS FBIH)	2	6
24	Misija: "Indikatori kvaliteta"	4	3
25	Seminar : «Uvod u sektorski pristup» - IPA II	3	2
26	Radionica: "Violence at work statistics"	2	3
27	Instruktaže za Anketu o radnoj snazi (ARS 2014)	5	6
28	Radionica: "Istraživanje o strukturi zarada"	3	3
29	Misija o Anketi o trokovima rada (ATR 2012)	2	5
30	Radionica: "Estimation and quality indicators"	2	3
31	Present, faciliat. and consult.skills for statistical trainers	2	3
32	Radionica: "Projections - in employment"	2	3
33	Radionice "Izgradnja kapaciteta za kompilaciju računovodstvenih podataka u okviru opće vlade i statistiku javnih finansija" u okviru PFM Star Projekta	2	9
34	Studijska posjeta statistici Švedske, u okviru PFM Star Projekta (3-5.11.2014)	2	3
35	IPA 2012 MB Pilot Project 1 – National Accounts Methodology (11-13.11.2014, Sarajevo)	6	3
36	Radionica: "Financial Reporting on General Government and	2	3



	its Sub-sectors”, u okviru PFM Star Projekta, Ljubljana		
37	Radionica “National Accounts Compilation Issues”, IMF, Beč	2	5
38	Radionica “Vještine i sposobnosti prezentiranja”, Zagreb, u organizaciji IPA 2011 MB	2	2
39	Misija: “Strukturne poslovne staistike” - IPA 2011	2	5
40	Misija EU-SILC - Agencija za statistiku BiH	1	3
41	Studijska posjeta Statističkom zavodu Republike Srbije (SORS), Beograd o upotrebi informacijskih i komunikacijskih tehnologija u preduzećima i u domaćinstvima	1	2
42	Studijska posjeta Statističkom uredu Danske u okviru IPA 2012 Twinning projekta, a vezano za pilot istraživanje o cijenama izabranih uslužnih djelatnosti	4	3
43	Misija u okviru IPA 2012 twinning projekta za cijene proizvođača usluga (SPPI)	3	5
44	Planovi integriteta: Izrada i implementacija (ADS FBIH)	1	2
45	Primjena novog Zakona o javnim nabavkama (ADS FBIH)	3	1
46	Mobing na radnom mjestu (ADS FBIH)	2	1
47	Procjena oblasti i radnih mjesta u pogledu rizika za korupciju (ADS FBIH)	2	1
48	Organizacijska kultura, profesionalizam i intergritet javne službe (ADS FBIH)	2	1
49	PRAG-Sekundarna javna nabavka (ADS FBIH)	1	1
50	Izrada budžeta za projektne ideje (ADS FBIH)	2	1
51	Izrada logičke matrice (ADS FBIH)	3	2
52	Zaštita ličnih podataka (ADS FBIH)	1	1
53	Regionalni sastanak o statistici ekologije; Austria (SIDA)	2	2
54	IPA 2012 MBP - Prva misija o statistici godišnjih usjeva	2	3
55	IPA 2012 MBP - Prva misija o statistici stočarstva	2	3
56	IPA 2012 MBP – Zajednička radionica o statistici usjeva i stočarstva	2	3
57	IPA 2012 MBP - Studijska posjeta statistici portugala (statistika stočarstva)	1	3
58	IPA 2012 MBP – prva radionica o ekonomskim računima u poljoprivredi	1	3
59	Training Course on Population Projections and Forecasting (Obuka o procjenama i projekcijama stanovništva), Prag	1	10
60	Tri Misije za tehničku pomoć za obradu popisnih podataka	5	15
61	Sastanak o Popisu stanovništva, Luxembourg	1	2
62	Seminar o adresnom registru, Banja Luka	3	1
63	Prezentacija Projekta izrade digitalnog ortofoto plana područja Bosne i Hercegovine, Sarajevo	1	1
64	Dani GDI, Sarajevo	2	1
65	Javno predavanje-Iskustva u prostornom planiranju u Austriji, Sarajevo	2	1
66	Seminar/radionica “Osnovna znanja i uključivanje zainteresovanih strana”- Impuls project, Galve, Švedska	1	4
67	Seminar: Prikupljanje podataka o maloljetnicima	2	1
68	Seminar:”Kultura i obrazovanje” (UNESCO, UNFPA i UNDP)	1	1
69	Sastanci za reviziju obrazaca za statistiku Socijalne zaštite	2	4
70	Studijska posjeta Republičkom zavodu za statistiku Republike Srbije (SILC)	1	3
71	Analiza višestruko preklapajućih deprivacija u BiH (N-MODA)	3	1
72	Seminar: “Kultura i smanjenje siromaštva” (UNESCO, UNFPA i UNDP)	1	1
73	Regionlna radionicama o projekcijama	1	3
74	Usaglašavanje izvještaja akcionog plana prema strategiji za prevenciju i borbu protiv nasilja u porodici	1	1
75	Radna grupa za izradu strateških pravaca razvoja karijerne orijentacije u FBIH	1	2

76	Radionica o siromaštvu socijalnoj isključenosti i radu	2	4
77	Sastanak za provedbu akcionog plana za prevenciju i borbu protiv nasilja u porodici	1	1
78	Regionalna konferencija o gender statistici	1	3
79	Taix radionica-Nacionalni zdravstveni računi (NHA)	1	1
80	Misija: "Industrija i građevinarstvo", GIZ projekat	5	3
81	Misija: "Inception", IPA 2012 MBP	3	3
82	Misija IPA 2012 MBP, Luksemburg	1	2
83	IPA 2012 Twinning projekat Građevinarstvo	2	5

Broj :  
Datum: 24.03.2015. godine

DIREKTOR  
Hidajeta Bajramović